

# Awaza Serpêhatîyan I

Evîn Çîçek



Weşanên Pêrî



**AWAZA SERPÊHATÎYAN -I-**

**Evîn ÇIÇEK**



**Weşanên Pêrî**

Çapa yekem:  
Stenbol - Çiriya Paşîn 2004

Edîtor:  
Ehmed ONAL

Dizayna Bergê:  
Onur Ozturk  
Çapxane:  
Kayhan Matbaası

ISBN 975 - 8245 - 93 - 7

## **Weşanên Pêrî**

Osmanağa Mah.  
Söğütlü Çeşme Cad.  
Pavlonya Sok.  
Nuhoğlu Apt. No: 10 / 19  
Kadıköy / İSTANBUL  
Tel-Fax: (0.216) 347 26 44  
Email: perikitap@nefel.com

## Naverok

Çûçika zer .....	5
Şirnex.....	9
Koçerê.....	12
Sal 1915.....	51
Tirsonex.....	54
Ez dayik im.....	58
Ew pêxwasekî Amedê bû.....	59
Îro heştê adarê ye.....	64
Nikarim derdê tenêbûnê bikişîn im,.....	73
Bifikire ji raman netirs e .....	77
Berjewendixaz .....	81
Tama jina malê tirş e.....	83
Bê arî û malbat e.....	89
Penaberî,.....	91
Rêhevalo .....	96
Cazûtîya wer hezar carî qebûl e.....	99
Ez jina welatê janê me.....	106
Çilûneh kevok bûn .....	108

## Xwendevanên dilsoz!

Ev pirtûka Evîn Çiçek Xanimê, weki rêz bi avayekî “*Awaza Serpêhatîyan-I, -II- û -III-*” hatiye nivîsîn û amadekirin e. Em bi çapkirin û weşandin a wan serbilind in.

Naveroka her sê pirtûkan jî ji kul, keser û evînîya welat hatîye hunandin. Zext û zilma dagirkeran û derbederîya penaberîyê, ceger û dil perîfîya parçebûna ji malbatê bigre heya welat, belko gelên cihanê û zikreşîya xwînxwarên mezîn devletan, bi dilê jinek, dayîkek û welatevînekî kurd bi penivîsa zêrîn hatîye şermezarkirin..

Ji têngîhiştina cahiltîyê, xesûdîya nav xwe, heyanî fend, fel û fitneya xêrnexwazan û desthilatdari û xedarîya mêrên hovî jî daye ber rû û rûçiken wan.. Ji mîskînfîya kevnepereştîyê ku xwe gihandîye nav ciwaka me bigre, heyan polatîya şervanên kû canfidane dane ber hev. Ji neqîşbûyî û erdnîgarîya welatê şêrin, heyan ev potina reşa kû li ser sînga me ye, bi berfirehî rewşa me bi pîralîtî dîtîye, wêneyê me kurdan bi şêweyek helbestî derêxistîye ser kaxezê û nakokîye me yê civatkî anîye danîye ber çavên me. Da ku bila xwendevanên hêja van pirtûkan bixwînin û xwe tê de bibînin!

Bila destê te sax, çavên te ronî, jiyana te dirêj, malbat û civata te bi bawer, bextewar û xwedî dewlet be. Her çi gor dile te û kurdewarî her para te be. Dostên te dilgeş û dilşad, dujmine te kor be. Ji bana wan xebat û keda te mala te bi hezaran carî ava be. Civata me/te li ser axa xwe, her bi aqil, serfiraz, serkeftî û bi ken, kêf, aşî û şadî be!

Wêşanên Pêri

## Çûçika Zer

Çûçika zer, tu dixwînî dixwînî  
Qey cîh tunebû?  
Hatî ser tayê ser serê min disekinî  
Ez dibêm, te jî fêm kir  
Tu xerîbî û bêkesîya min dibînî  
Hêlîna te  
Bê malîya min  
Azadîye te  
Girtîbûna min  
Şahîya te  
Xemgîrîya min  
Dor tijîbûna te  
Tenêbûna min  
Bêminetîya te  
Alîkarî hêvîkirina min  
Xwedibûna çêlikên te yên azad  
Bêxwarin mana berxên min  
Çûçika zer tu çi xweş difirî û dixwînî  
Bila dinê de koçberî nemîne  
Bêmal û bêwarîya min dile min disojê  
Bexê ber dilê min dengê te bihîst  
Alîkî ve serê xwe hedî hedî zivirand ezmanan  
Hêla din ve pancikên xwe yên şilbûyî dadiweşînî  
Here here kêfxweşîya te bala wî jî dikişîne  
Dibê; “daye xwezî ez jî wekî wan çûçikan azad bûma  
Min ê welat gund bi gund tevdana”  
Guhdarîya te dike  
Azadî û xwe bawerîya te dilê wê heland  
Bê minnetîya te ew qarand  
Nikare çavên xwe li te bigirê, ji jor ve serdike

Ser kevirên pan re bazdide û bang dike  
 “Hey azadî tu li kû mayî?  
 Mirovên me belavbûne, kes di ser me ve jî nayên  
 Teyrino hun hev re difirin, bilind dibin  
 Teyrên ku li kevîya daran mane  
 Perên wan wekî yên me birîndar in  
 Tenê ne, ranabin, nafirin  
 Le belê navbera me de ferq hene  
 Ew xwedî serxwebûnê ne, azad in”  
 Çûçika zer, ser pirsên berxê ber dilê min  
 Serê min diçerixê, diêşê  
 Belê, belê pirsên pîr giran ji min dipirsî  
 “Dayê qey çûçikên me jî ewqas xweş dixwînin  
 Çi wextê ez dikanim wan bibînim?”  
 Çûçika zer, te ez birim bîranînên min  
 Te anî ber çavên min  
 Qîrîniya zarokan, birîndarî û xwîn  
 Çûçika azad  
 Rengên rojê te re bûne nav  
 Çûçikên welatê min  
 Mane nav bên û mija dermanên kîmyevî de  
 Bê hîv û bê tav  
 Ez bêrîya gundê xwe dikim  
 Loma tîm dora vê newalê ku  
 Av û hemêzkirina keviran  
 Beybûn, gulên sor û paşilvekirina axê bibînim  
 Têra xwe sêr bikim  
 Bi dengêkî birîndarî  
 Dibem bes e ey bindestî, koçberî  
 Heta çî demê ez ê derveyî welat bimînim?  
 Stû xwarîya berxên xwe her roj dibînim  
 Çê jikên te hêlîna te de ji xwe bawer



Te bi Gor kêfa xwe wan re amadekirîye çeper  
Nav tîrên ewlekarîyê de dijîn  
Kêfxweşî mafê we ye, bi hestên azadîyê bijîn  
Çêlikên te bi xwendina te perwerde dibin  
Ne bi dengên bîyanî  
Çûçikên welatê min  
Wan bi bîna neftê difetisînin  
Ajalan jî dixeniqînin  
Çêlik nikarin wekî dayîkên xwe deng derxînin  
Bin barên tirsê de perwerde dibin  
Lê zarokên welatê min  
Zimanê zikmakî ji wan re qedexe ye  
Ew bi hezeran, rûyê dibistanan nabînin  
Tu gor xwestina xwe çêlikên xwe dikî xwedî bang û nav  
Lê zarokên me  
Mane bê dê û bê bav  
Sêwîtî ji wan re bûye nav  
Bexên ber dilê min guhdarîya te dikin û dimeşîn  
Tu ku pirsî çûçikên welatê min dikî  
Ya rastî, helînên wan bi bomban dihelişin  
Çûçika zer çend, çend hemwelatîyê te  
Sedemên koçberîya me fêm dikin  
Dibên kurmanc tên wira ku zikên xwe yên birçîtêrbikin  
Hesabên parîyek nan dikin  
Lê rastî  
Kurmanc ji ber zilmê bar dikin  
Qey naxwazin ser axa xwe yê zêrîn karkin  
Dagirker rêya koçberîye vedikin  
Wan li kelekên mirinê siwar dikin  
Du wan re dikenin  
Pêşgîrên xwetirxwezîyê badikin  
Dilên wan ji welatên wan dûr dikin

Xweng û biran ji hevûdu sar dikin  
Erê erê çûçika zer, te got min guhdarî kir  
Te birîna kezeba min har kir  
Bîyanîtiyê bedena min de derdê bê derman avakir  
Bexê ber dilê min hêviya jîyanê wenda kir  
Qey çi kemasîya me hebû?  
Me li ber xwînxwarên bar kir  
Koçberîyê hestên xizmîyê sar kir  
Xal û xwarzî ji hevûdu dûr kir  
Bû aş kesayetîyan, kesayetî xirabekir  
Me nikarîya ku evîniyê bixwe re bigerîne  
Gelekan hest, heskirin wenda kir  
Bîyanîtiyê tayên mirovbûnê birî  
Madên kurmancan xirabî kir

## Şirnex

Şirnex!

Bajarekî biçûk

Bajar rûniştîye ser kendalekî

Pişt a xwe daye daristanan

Gundan dora bajêr dixemilandin

Îro li dorê gund û gundî jî neman

Paş sêrî de çîyayê sêvê

Li hêla xwarê û çepê dewlemendîya neftê

Bin lingan de deşta cizîrê

Destê çepê Qilab û çîyayê Cudî

Hember ve Gabar û gundên bê xwedî

Rojek havînê ye

Dibên; "Hawar... Hawar Şirnex dişewite"

Şewat ket dile min

Barê tefandinê tê ser milê min

Min xebera reş girt - ٧.

Kerba xwîn di pozê min re avêt

Girîyê min tê

Bîna min teng dibe

Bê dengî nabe

Daristan tîn şewitandin

Şivan tîn xeniqandin

Derdikevim rê

Leşkeran çend caran nasname ji min xwestin

Li Dihê diborim

Dûr ve kelemên şewitî dibînim

Ji kerban gêj dibim

Nikarim ser pîya bimînim

Mij! Mija gewr û spî

Ewrên mijê cîh girtine li ser bajêr  
 Ji bajêrîyan dipirsim  
 We agir tefand?  
 Dibêjin; “ dijmin nahêle, nexêr”  
 Mij û bîna kizirî tevlihev  
 Rewşek pir giran  
 Zarokan li xwekirine kincên pînekirî, kevn  
 Mane bê nan  
 Ditirsin, ketine ber singê hev  
 Girîyê min tê  
 Histêran dibarîn im  
 Ro bû şev  
 Min re heram bûye xew  
 Nikarim serê xwe daynim ser balîfê  
 Naxwazim goristanên daristanan bibînim  
 Bi min pir giran tê  
 Wekî lawikê minê heşt mehî bişewitîn in  
 Her darekî wekî meyîtekî dibîn im  
 Roja havînê  
 Ji mijê tav nayê dîtînê  
 Şirnexî dibêjin; “Tirkan daristan nehiştin!”  
 Mazî, gûz, hermî, sêv, bitim, gîjok hev re dişewitin  
 Çêlikên hêlînan de, xezalên şîr, kergûşên bin erdê de  
 Dagirkeran nabînin, nasnakin  
 Daristan ji wan re bihuşt in, dayîk in  
 Dayîk nikarin delalên ber dilên xwe xilas bikin  
 Tenê dinalin, difirin, dibezin  
 Nayên ziman, dikalin  
 Nikarin bang kin  
 Alîkarîyê bixwazin  
 Merî ji zimanên wan fêm nakin  
 Dagirker hember rewşa wan govendê digirin

Dikenin, şerm nakin  
Ez dayîk im delalê min li ber singê min  
Dijmin agir berda berxê ber dilê min  
Sewal jî delalên dayîkên xwe ne  
Nav pêtên agir de mane  
Çîya, daristan û sewalan qet hevûdu bernadin  
ÇavSORAN bi pêtên agirê neftê  
Wan ji hev dûr digirin  
Çavkanîya jîyana paqij kûr dikin, dibirin  
Daristan çîyayê şîmexê dixemlînin  
Guliyên bişengan li erdê dixînin  
Dagirker dijminê delalîye ne  
Neyarên dewlemêndîyê ne  
Daristan welat dixemilînin  
Cengaweran diparêzin  
Wan re bûne war û hêlîn  
Dagirker hember dostbûn û parezwanîya wan gelek aciz in  
Li heremê zayîn, zêdebûn qedexe ye  
Jîyandar tên kuştin  
Şîmexî nikarin mafê daristanan bipirsin  
Ser erdê bişewitîjî  
Bin erdê de rihên daran dizên  
Gîyanên nû derdikevin  
Roja ku çipilan fêkî dan  
Em ê govendê bigirin û bi dijmin bikenin

## Koçerê!

Koçer şivanê berxan bû  
Dotvana mîyan bû  
Koçer bêrîvan bû  
Xew nedizanî bi tarîya ezman re radibû  
Di nav gîyayên rengîn de mezin bûbû  
Koçerên Diderî li heremê bi nav û deng bûn  
Dewlemêndîya herî mezin  
Xwedî hesiyet bûn  
Zivistanan li Fındiqê, li Mişarê, li Hezexê rûniştvan  
Parastvanê kozan  
Ji biharê heta payîzê  
Li Şaxê, li Westan, li Xîzan û Miksê  
Xwedî waran bûn  
Rûniştin, jîyana bicîhbûyî nedizanîn  
Ew koçer bûn  
Koçerên Didêrî, Mamedî, Garisî cîranê hev  
Ku pîvok û belguzar derdiketin  
Koçer ji rêketinê re amade dibûn  
Koçerê, zivistan li malên koçeran  
Li deşta Sê'êrtê diborand  
Pezê xwe re diaxifî  
Alif belav dikir  
Gom paqij dikir  
Maf belavan bû  
Kozan wana herî mezin li ser rîya newala Qeseban cîh girtibû  
Rîya Kezerê, rîya Helenzê, newala Canikan  
Zinarên Bilorîsê, newala Hetran, Kendên Botan  
Ew ji wê re bûbûn cîyê gurz kirina nergiz û kerengan  
Berfek belek bû ew, di mal de nedima  
Koma qîzan çê dibû

Her roj hêlek bajêr, bo gîya berhevkerinê vedibû  
Kendalê Eynbaran cîyê govendê  
Şilî û herî ji wan re ne xem  
Kirêjî ji wan re ne dût  
Wek heval bûn  
Koçerê westandin nedizanîya  
Li pêşîya komê bi lez û bez bû  
Pîvok dihûnan, datanîn ser serê xwe  
Bi xwestekê mezin şa dibû  
Ku zozan hatin qedexê kirin  
Di bin germa bajêr de bedena wê giran dibû  
Germa havînê û mayina bajêr  
Koçer hîn nebibû  
Bi hêrs rûdinişt, radibû  
Zozanên Şaxê, xewnên wê dixemilandin  
Ku zozan hatin qedexekirin  
Germê kerîyên wan jî, nexweş kirin  
Koçeran pez firotin  
Koz û kon jî wêran kirin  
Feqîrîyê re dest li ba kirin  
Mabûn bi hesreta penîrê sîrik û nivîşkê  
Dagirkeran bi zanabûn aborîya koçeran ser û bin kirin  
Koçerên bê sînor teslîmî birçîbûnê kirin  
Digotin yên ku sîxurîya me nekin  
Bila ji birçîyan bimirin  
Herdem dagirker ji xwe re li alîkaran digerin  
Nikarin bêparazvan nav bajêr de bigerin  
Di her malêk koçeran de sî, çil kes hebûn  
Di roje de bi pênce nanî têr nedibûn  
Ew xebatkarbûn  
Xwendin û nivîsandin nizanibûn  
Gor xwînxwaran ew bê kes bûn

Salên borî teyrên azadîyê xwe gîhandibûn zozanan  
 Kon lê vedabûn  
 Koçer hedî hedî bi çanda netewî ve germ bûn  
 Şaşikên serên wan bi pirsên giran lerizî bûn  
 Siûda herî mezin  
 Koçeran ew teyrên serê zinaran dîtibûn  
 Li wan û xwestekên wan bîyanî nebûn  
 Koçeran dixwestin derkevin zozanan  
 Bigêhêjin mêvanan  
 Xwînmijan hesinên qedexekirinê danîbûn ser rêyên wan  
 Bi bîryara dagirkeran  
 Xeyalên koçerê li deşta Sê'êrtê man  
 Koçer geh dimeşîya û geh difikirîya  
 Di bin wê germa zuha de gavên sist diavetin  
 Wê femkir ku  
 Ew û keça dagirkerekî, ne wekî hevin  
 Dadgehan de ne yek in  
 Mafên mirovan bo hinan belav dibin  
 Ew hin jî qîz û jinên dagirkeran in  
 Her ku çavsoran di bin emrê serleşker û polîsan de  
 Erîşê ser gom û malañ dikirin  
 Çek û darên li bedenên xizmên wê diketin  
 Birîn lê vedikirin  
 Zilmê deng dida  
 Lemên jinan, kemaxê zarokan reş dibûn  
 Tilîyên birîndar bi rojan venedibûn  
 Hember rewşa rojane  
 Tişt û hestên pîr xwezayî di bedena wê de zîldan  
 Kulîlkên bi rengîn vedibûn  
 Li xwedîyê çekan û daran kift kir  
 Kiftek pîr xwezayî bû  
 Koçeran heta êrîşan, qedexetî nizanibûn



Xweza, diza û dida  
 Wan kom dikir, didan hevûdu û dixwarin  
 Qedexê li wan giran dihat, rewşê ranedikirin  
 Xewn jî nebûna, agirê evîna zozanan sar nedibûn  
 Bihar diborîyan  
 Bê heliz, bê berf mabûn  
 Di ser de, ew êrîşên li ser malan  
 Belavkirina zad û tiştan  
 Perçekirina nivîn û mînderan  
 Bedenên jar di bin erîşên çav birçîyan de diman  
 Erîşvan tenê bi hin xwestekan nediman  
 Xeberên xirab û lêvên lerizî bi hev re hewl didan  
 Di nav malan de tirs û dijûn belavdibûn  
 Zarok di bin tirsê de mabûn  
 Bejn nediavêtin û mezin nedibûn  
 Hesyeta Koçerê, hesyeta malbatê diket bin lingan  
 Hawar û qîrînî ji malên wan dûr nediman  
 Tirs ku neçîrvanên serîyan belav dikirin  
 Di gîyana mirovan de cîh vedigirtin  
 Mamê Koçerê bi darê zorê ji malê derxistin  
 Heşt zarok û hevala wî jê dûr xistin  
 Apê nekanîya bi paş ve vegere  
 Xatir jî nexwestibû  
 Xwîna firmikên mamê  
 Dest avitina qîz û jinan  
 Qîrînîya zarokan  
 Hawar  
 Potînên ku di nav herîye de, li ser piştên mêran gerîyan  
 Alîkarî xwestina qîzan  
 Wêneyek herî xirab  
 Nedikanîya ji bîr bike  
 Hestên neyartîye pê re çebibûn



Êrîşvanan digotin; “Dadgeh jî, parêzvan jî, em in  
 Behsa vekhevîyê mekin, belav bin”  
 Zarokan qîrînên dînbûyî û kezab qelişandinê bilind dikirin  
 Bedenên alîkarxwaz xwe nedirgitin  
 Di xwe de gû, mîz  
 Bi destên herî û rêx  
 Dayikên xwe hemêz dikirin  
 Her ku kêr li balîf, berikan diketin  
 Jin bi janek kûr li şunên xwe badiketin  
 Dilopên xwînê li dîwarên goristanê diketin  
 Koçerê navê neyartîyê bihîsti bû  
 Eşîran, malbatan dijminîya hevûdu dikirin  
 Tol ji hevudu digirtin  
 Hember hevûdu ala teslim bûyînê ranedikirin  
 Kurd li hevûdu nediboriyan, ji hev re egît bûn  
 Wê fêmkir ku neyartîya kurdan û bîyanîyan ne yek e  
 Merî nikare bi rehetî guhertinê nav civata me de çêke  
 Zexmîya tirsê nav malbatan de xwedî cîh  
 Giranîya tirsê qet belav nedibû  
 Loma tenduristî ji xirab bûnê re amade bûn  
 Zarokên di zikan de dimirin  
 Mêr kûd dibûn  
 Mirovan ji hevûdu guman dikirin  
 Ewrên gumanê di nav koçeran de belav dibûn  
 Hinan gilîyê xizm û cîranên xwe kirin  
 Sîxûran hesyet nehesibandin  
 Koçerê dîtbar bû  
 Simbêlên cîranên wê, bi tilîyên xwînî,  
 ta bi ta hatibûn kişandin  
 Şaşikên serê mirovên wê avêtibûn  
 Nav zibil de werdabûn  
 Mamên wê bi lêdanê birîndar ketibûn

Mirovên wê di dest dijmin de, dîl bûn  
 Li zozanan komê mirov bi hev re kuştibûn  
 Zarokên ber singên dayikan bûbûn wek goga ber lîngan  
 Wê terora terorîstan dîti bû  
 Ew şahadek bê deng bû  
 Wê lîzandîna ji tîrsê  
 Wê nalînên êşê  
 Wê tenêbûna kurmancan  
 Wê madên êrîşkeran  
 Wê lêgerîna sîxûran  
 Wê bertîlên peydakirîna çaşan  
 Wê tîrsa xwedîyên zîlmê dîti bû  
 Ew guvahik bê çalekî, bê deng û xwedî tîrs bû  
 Dem buhorîn  
 Hedî hedî li şûna xwe rabû  
 Got; “ bes e, bes e  
 Heta kîjan demê ez ê bibim şahid  
 Ez vê rewşê  
 Ez dagirkerîya xwedê qebûl nakim  
 Ez ê ji vir şûnve bi dengê bilind bang kim  
 Bes e, êdî şerm bikin  
 Zilimkar bi xuyan mêr in  
 Ji der ve xuyakirinê ve wekî me ne  
 Xwedîyê çalekîyên hovî ne  
 Nîzam ji ku derê hatinê?  
 Ez ê heta kîjan rojê bi tîrs û hêrsê bilerzim?  
 Hezkerin û nefret zîke min de şer dikin  
 Êrîşên hovane ji min re pîrsan zêde dikin”  
 Koçer hedî hedî ji xewa olî hişyar dibû  
 Bersîva; “ leşkerên roma reş “ dîtîbû  
 Dijîya, didît, guvah bû  
 Hêrs wê re amade dibû

Hestên wê yê kedî kirî ji bin ve xirab dibûn  
Newala Qesaban nêzîkê goma wan bû  
Çîrokên mirîyan di nav bajêr de belav bûbûn  
Giran, giran heyranîya wê bi wan re çêdibû  
Ew di çavên xwe de bilind dikirin  
Dil û çavên wê, wan êrîşên hovane qeyd dikirin  
Bawerîya wê bi mêvanên newala Qesaban hatibû  
Hember bûyeran matmayî mabû  
Bin barê rastîyan kûr kûr dilerizîya  
Ne got; “ min çi jê ye”  
Bê hal nema  
Xwirtbûnê, bê tirsîyê, fedekarîyê  
Wekî dilopên şilîya adarê bedena wê hemêz kiribûn  
Xwendin û nivîsandin nedizaniya  
Ew pispora gîyayan bû  
Wê sosin, pung, zibil û şîr bîn dikir  
Gor edetên koçeran gulîyên serê xwe  
bi cemedanîyê xevdikir

Hatibû dinê şunve  
Heskirin wê re rêheval bû  
Nefretê bi êrîşên xirab dilê wê de bejn dabû  
Loma temaşevanek bi hêrs bû  
Tava Mezrabetan pêt bi pêt bajar dimalist  
Rîyên li neftê av berdidan  
Dora êvaran sîya daran dibûn mîna cinawiran  
Dixwestin bînin, bidin û bistinin  
Çêlikên hêlînan ji bê avîye dimirin  
Li çîyayên Botan dûman  
Nûçeyên girtin û mirinê belav dibûn  
Her havînê kesên li deşta Sê'êrtê,  
germa çil û pancan dijmêrin  
Dîwarên bêton germîyê vedigerînin, dibiriqînin

Segên birçî keşîlên xwe diherikînin  
 Nav qirşan de tiştên genî bûyî dikolin  
 Gor xwe xwarinê dibînin  
 Çûçik dev vekirine  
 Bê hal in, dayîk dihêjînin  
 Lêvên zarokan bê av mane  
 Wekî herûga sor diqelişîne  
 Çîrên zerdalîyê ne  
 Serîyên rût , perçemên ser enîyê  
 Bê kumik bin tîrêjên tavê de ne  
 Ava Botan xwe dike bûkeke pir narîn û giran  
 Germ e, masî di nav de bê hal  
 Ava Kezerê kêlekên bajêr dimalisîyan  
 Kolanan qirşûqal û zibil bîn didan  
 Siwar û peya herdem komên rixê li dora rê dibînin  
 Mangeyên bajarîyan bê xwedî ne,  
    çawan li sergoyan digerînin  
 Golikên xwe bi şîrên vîrisû dimêjînin  
 Nexwaşî belav dikirin  
 Nişteciyên bajêr rastî ferq nedikirin  
 Gîyayên deşt û kolanan rengê zêrîn girtine  
 Bi hevûdu ve zeliqîne  
 Tava sibê çawan dibiriqîne  
 Toza nav bajêr bi heft rengan dixemlîne  
 Li çawan hêstirên şor tîne  
 Bin tava nîvro de kes nikare li der ve bimîne  
 Jina elimî ser bedena xwe de sîwanê digerîne  
 Gor perverdekirina xwe çareserîyê dibîne  
 Hemû candar westîyan e  
 Tenê elîkopter deng didin  
 Bilind û nizm dibin  
 Balafir di firanîya kûrbûnê de ne



Koçerê merî, sewal û xweza heskirin  
 Bi gotinên mezinan pîvanên rêz, dostbûn, bawerî hînkirin  
 Di encama êrîşên ser kozan û ser malan  
 Wê wêneyên hovî dîtibûn  
 Femkirinên, armancên êrîşkeran ferq kiribûn  
 Ew xwedî hêz bûn  
 Ew xwedî çek bûn  
 Ew xwedî tirs bûn  
 Bi zexmîya tirsê devxwûnîyên, talanvanên bajêr bûn  
 Mîna girtîyan nav makaran de mabûn  
 Bilindîya, zexmîya êrîşan  
 Tirsên wan nîşan didan  
 Encama xewnên xwirab de nav xûdana zeliqî de diman  
 Çekên camêran bin balîvên wan de  
 Bi têyrokên tirsê radiketin û radibûn  
 Ew bîyanî û xwedî yên hêsbên xwirabî bûn  
 Koçer xwedîyê delalîyek kûvî û tazî  
 Alê din ve gor zanîna xwe çavdêrvanbûn  
 Dermanê dest û rûyan ji wê gelek dûr bûn  
 Delalîya wê bala bajarîyan dikişand  
 Li ser xwe bû  
 Jîrbûna ku jîyana koçerîyê wê re dabû  
 Bi rastî û baqilîyê hatibû neqîş kirin  
 Nav rîşîyên cemedanîyê de xezala xemilî  
 Bi tezebûna azebîtîyê mabû  
 Koçerê biryara xwe da  
 Got; “ ez ê bê maskê bijîm  
 Mîna teyra zozanan bê sînor bimînîm  
 Nav dest û lingên cilxwînîyan de namînîm  
 Ew bo dest avetinê bedena min a sax nabînin  
 Bila bi hêvîya hêvîyan bîmînîm”  
 Kom û kuflet, hemû bi hev re



ji xwedîyê maskeyan ditirsîyan

Xwîn bûbû mêvanê çavên wan

Tasên bi ava sor tijîkirî

Di bin maskeyan de dibiriqîyan

Koçerê hedî hedî armanca xwe bi xwirtbûna xwe çînik kir

xwestekên xwe ji hevalên xwe re vekir

Bin êrîşên ber rû yan de mabû

Gef lê xwaribûn

Dizanîya ew ê zêdetir bima di nav dest û lepên çav hinaran de

Axayê eşîrê jî mabû bin çanda xeriban de

Bîyanîtî bo jîyana koçeran dawet dikir

Digot; “Şûna kiftanan bila jin paçên reş li xwe bikin

Cîyê cemedanîyê belek de, reşîya tarîser pore sîm de kin”

Bajêr de mêr hînbûbûn li qehwê rûniştinê

Dûmana ciqarê bilind dikirin

Heta nîvro serên xwe ji balîfan ranêdikirin

Bedenên kurt û dirêj bi pênrê sîrik têr dikirin

Gelek şerm bû!

Loma germa havînê de pêşîra kincên xwe venedikirin

Bi şepqeyên şeş koşe ruyên qehweyî hûnik dikirin

Xwe nav cakêtên rengîn de ba dikirin

Jinan karên nav malan dikirin

Tûrên wan li paş stû, bi lezî dimeşîyan

Heta ku tav bilind nebibû

Dixwestin karê xwe xilasbikin

Li sukê ji afrirandinên pêz difirotin

Ji alê din ve kêmasîyên malê digirtin

Bi tilîyên qelîşî pere dihêjmartin

Ku firotina mast û şîr xilas dibû, bi rê diketin

Vê carê hêla malê ve dibezîyan

Jinên koçer bûbûn firoşvan

Bi biryara axayê eşîrê

Kolanên Sê'êrtê hedî hedî jinan re hatin qedexekirin  
 Ser kolanan mêrên bê kar morîyên tizbîyan dihêjmartin  
 Jinên xwedî kiftan bi çarşefa reş man  
 Gervanên zozanan  
 Nav odayên bêton de diman  
 Weki girtî bûn  
 Rûniştin ji wan re bîyanîbû, hîn nebibûn  
 Ew jin ku di tarîya sibê de radibûn  
 Bêrîvanîya xwe dikirin  
 Heta konan barê xwe pişt dikirin  
 Ku dereng bimana lêdan dixwarin  
 Êrîşên mêran ji wan re bîyanî nedihatîn  
 Elimî bûn  
 Axayê eşîrê digot koçerî xilas bû  
 Jinan re jîyana jinên ereb mînak bû  
 Perde li ser rûyê bajarîyan ranedibû  
 Keça koçer re çanda ereban bîyanî bû  
 Morala wê xirab dibû  
 Axayê eşîrê di mal de palda  
 Emrê rêvebirina jinan bi xwestekê mezin da  
 Gor ereban jinên koçer gelek azad bûn  
 Ne xwedîyê ber rûyan bûn  
 Emrê ber rûyan axayê Didêran da bû  
 Gotin dimeşîya, ranêdibû  
 Çima, li kê, jinan delalîyên çav û birûyan  
 Lemên ku wekî sêvan dibiriqîyan  
 Wan dê li kû xew bikirina  
 Çima bûbûna xewkervan?  
 Wê rind fêm dikir  
 Di mayîna nav bajêr de xwedîyên maskeyên reş  
 Çanda ber rûyan  
 Malên wan dagir dikin



Êrîşê ser pisporan kirin  
 Gef û sondên tol girtinê dibarandin  
 Xwelî li serê mêran  
 Bî alîkarîya, heval bendîya jinan nekirin  
 Polîsan darên giran li piştê jinan diweşandin  
 Wan re digotin; “vegerin malên xwe”  
 Meş û serhildan ji çîyê ve  
 Karê derve barê me ye”  
 Jin nîvê rê de vegerandin  
 Bê tirs serketin  
 Ji tirsê giran polîsan bi hela malan ve gav nedavêtin  
 Jinan ji tirkan re leşkerî nekiribûn ku ji cemseyê wan bitirsîyan  
 Dayîkan digotin; “qîz û lavên me  
 Xweng û birayên me birîndar in, mirinê em nizanin”  
 Dora nexweşxanê girtine  
 Yên ku nêzik bûn jî vegerandin  
 Êrîş ser bên kirinê,  
 Mêr û jinê govend girtî ji jor ve avêtine  
 Ew li erdê ketine  
 Niha wekî sêvên pelixî ne  
 Kî mir, kî ma ku dinale?  
 Serên qelişî, ranên şikestî  
 Çengên xwîn berdayî, qey derman dikin?  
 Cîyên janê zêdetir vedikin, xweş nakin  
 Sê’êrtî bi rojî bûn  
 Dema fîtarê  
 Mexreba êvarê  
 Bo êrîşa ser welatparêzan firsêdek mezin bû  
 Tarîya gewr hedî hedî dihat  
 Hovvîtî li ser pîya bû  
 Hêlekî ve cop radîbûn, dûr û nêzik dibûn  
 Hêla dinê ve bi qilêşan nîşan li me girtibûn

Em sed kes nav du odeyan de mabûn  
 Derî li ser me koçkirî  
 Lawê minê sê mehî li erdê bê xwedî mabû  
 Koçera Siloqîyan dîtibû û naskiri bû  
 Ji ser minderê rakiribû  
 Wê ku xwedîtî nekiriba, di nav lingan de pelixî bû  
 Hember vê êrîşê  
 Koçera bina şelê cara yekemîn  
 Hember derketin ceribandibû  
 Bi jîrbûna xwe, bi darê xwe  
 Li ser pîyan bû  
 Xwediyê maskeyan bêhiş û şaş bûbû  
 Pêşveçûyîna herî mezin; wê tirsaxwe avêt  
 Lertzandina bedena wê wenda bûbû  
 Gihîştibûn serfirazîya bi hev re hevldanê  
 Jin ji dîroka xwe, ji dîroka welêt bê xeber bûn  
 Koçerê wê rojê sonda dostbûna azadîyê  
 Li singê xwe nivîsand  
 Biryara şexsîyetbûnê da  
 Tayê bindestîyê bada û birîya  
 Biryara derxistin û avêtina rihê bindestîyê da  
 Kesên ku wê nas nedikirin  
 Jîyana kurdan, jîyana wê bi qedexan hunandin  
 Bejna wê bilind dibû  
 Perda tarî ku li ber çavên kurmancan mabû  
 Wê ew perde dîtibû  
 Wêneyên rastîyê bi gotinên xwe dixemilandin  
 Ewrên tirsê hedî hedî dûr dibûn  
 Zimanê wê hindik hindik vedibû  
 Digot; “ Ji îro şûnve ez ê bibêmin na, nexêr  
 Şelandinê, dizîyê, zilmê, kuştinê re bêdeng nemînim  
 Gelek tiştan wekirî dibînim”



Koçerê şervanê nav bajêr naskirin  
 Nêrgiz û Rûken wê re mamoste  
 Bi xêra wan li rewşa netewî  
 Li dîroka jinan xeberdar  
 Şervanan re yek li malan mêvan dibû  
 Fêmkir ku edet û toreyên koçeran  
 Fêmkir ku edet û toreyên netewî ne rojanê ye  
 Qîmet û qedirgirtîya cîsnê wê tune  
 Bi her alî ve di bin lingan de bû  
 Ser şîrovaya dawî bi hêrs ji şûna xwe rabû  
 Vegerî got; "hevala Stêrk ez sond dixwim  
 Ji vir şûn ve em xebata serbilindîye de bi hev re ne  
 Ez ê netew, hestên netewî, hestên mirovtîyê bilind kim  
 Keçan re rêya jîyanek bi hesiyet wekim  
 Weki gotina te  
 Xwestina azadîyê bila ji me re bibe nasname  
 Em ê peymanî netewî  
 Em ê peymanî cîsnê xwe bi destê xwe amade bikin  
 Bi keda xwe rîya axan bigirin  
 Axayên polîtîk jî li ser keda xwe mezin nekin  
 Min nedizanîya ku jin di nav xebata polîtîk de tunin  
 Mêran bi zanabûn hebûna wan nedixwestin  
 Te ji min re derîyê lêkolînê wekir  
 Mejîyê lêgerînê amade kir"  
 Şervanên bajêr wê re bûbûn perwerdekar  
 Ew ketibûn şûna mamostan  
 Xeletîyên çandî didîtin  
 Fêmkir ku bi gom paqijkirinê  
 Bi zibil avêtinê  
 Nagihêje armancên mezin  
 Wê re behsa dîroka jinan hatibû kirin  
 Li civata neolîtîk heta vê demê

Jinan karê raçandinê û çandinîyê kiribûn  
 Jîyana gerok berdabûn  
 Mêr neçîrvanbûn  
 Gund hatibûn avakirin  
 Mal de, li der ve xebatkar bûn  
 Jinan anîn holê  
 Lê kî desthilatdar bûn?  
 Koçer bûbû pîrskar  
 Bersîvên wê tenê mamosteyên wê  
 Teyrên azadîyê didan  
 Digot; “ nabe, nabe  
 Bi xwedîkirina beranan, bi rix avêtinê jîyan nabore”  
 Çavên wê de pîrozî hatin guhertin  
 Bi ramana netewî re hatî girêdan  
 Nêrgiz, Rûken, Stêrk wê re hemû tişt  
 Mirovên xwedîyê gotinên xwe û zana  
 Koçer ji polan bê xeber bû  
 Méran çawa jin xapandibûn  
 Bi kîjan kilîtan tebat kiribûn  
 Fêmkirin, nêzîkbûn û hukumdarîya dugelê keşîşan  
 Ser navê xwedê, karbidestîya olî  
 Çawa bi jinan û bi mafê jinan lîstibûn  
 Jin ji têxt, ji rêveberîyê xistibûn  
 Bi lîstikên zirav  
 Wekî goştê mirdar  
 Ji jinantîyê avêtibûn  
 Qeyserên xwedê jin girtibûn bin destên xwe  
 Bîryara jîyanê, wan girtibûn ser lêvên xwe  
 Ku qeyser, mirin mirovên wan  
 Sed jinê ku bi hev re keyfxweşî didan qeyser  
 Bi saxî dikirin çalan  
 Heta dimirîyan dinalîyan



Jîyana wan gor xwestina mêran hatibû girêdan  
 Bibûn kewreşên xwedayên ji mirovan  
 Koçerê jîyana berîya sed salan û ya îro danîn hember hevûdu  
 Çewsandina ser jinan ranêbibû  
 Jîyana xirab nav guhertinê de bû  
 Şêx û melan cîhê qeyserên xwedê girtibûn  
 Îro biryarvan û rêveberê koçeran ew bûn  
 Koçerê got ; “ pêwîst e ez vê rewşê neparêzim, qebûl nekim  
 Ez nabim wekî cîranên xwe  
 Ez nabim wekî dayîka xwe  
 Ez nabim wekî jinmamên xwe  
 Ez ê guhertinê amade bikim”  
 Hedî hedî di ramanê de pêşdiket  
 Bêrîya teyran dikir  
 Ku ew didîtin xwestekên xwe wan re vedikir  
 Giran giran bû biryarvan  
 Koçerê ne “ a” ne jî “ b” nasdikir  
 Dema hatibû dinê  
 Mêrên malê biryara jîyana wê dabûn  
 Nav dergûşekê niqirkirî de bû  
 Wê re mêr jî peyda kiribûn  
 Bo dawet kirinê  
 Li benda balixbûna wê bûn  
 Koçerê şermok bû  
 Nedikanîya kubêje;  
 “Dayîkê, bavo, apno  
 Ez fistanê Cîzîrê li xwe nakim  
 Dest û pîyan hene nakim  
 Jinmam û mamê xwe re bûkintîyê nakim  
 Ez mezin nebûme, tezem e, pîvok im  
 Ez ê hember kevnepereştîyê şer bikim  
 Edetên ne rojanê nav me de ne

Ez ê wan ji holê rakim  
 Nû, nû cihan û mirovatîyê fêm dikim  
 Pêşîra min berdîn  
 Tama çarde salî ya xwe fêm kim  
 Niqirkirinê qebûl nakim  
 Naxwazim stêrkên hêvîya xwe  
 Bi xemgîrîyê kil bikim  
 Ez ê derkevim serê Zîn ê  
 Bi dengê bilind bang kim  
 Bes e, bes e şerm nakim  
 Ez ê qîzên razayî û nezan hişyar kim  
 Ez dê girêkên salan wekim  
 Ez ê konê xwe li serê tilikê Cudî deynim  
 Bo serfirazîyê li defê bidim  
 Ala rengîn li ser serê xwe bakim  
 Cîyê kirasê spî de  
 Rexta hêşîn li ser sînga xwe cîh kim  
 Şuna zêrên zer, fişegên kileşê stûyê xwe de rêz kim  
 Turê şîr ji ser piştî xwe bavêjim  
 Kurmamê xwe hemêz nakim  
 Bo şervanîyê wî jî dawet dikim  
 Ez hedî hedî bi xêra têyrên azadîyê  
 Tarîbûna salan fêm dikim  
 Zendên min berdîn  
 Jîyana girtî neparêzim, qebûl nakim  
 Nikarim bibim wekî niqirê destgirtîyên din  
 Kî bo jîyana min dipirsî raman û dîtina min  
 Min bi serê xwe biryara xwestinên cuda girt  
 Rûkenê min re rêzanî kir  
 Stêrka bîst salî mêr nekir  
 Armanca azadîyê de can de  
 Loma nav bajêr de pênc sa'etan bi pisporên şer re, şer kir

Teslîm ne bû  
 Bedena xwe bi destên xwe ji mirinê re dîyarî kir  
 We hemûyan wê re rêz girt  
 Nav bajêr de bû navdar  
 Koçerê digot; “dayîkê li min bibore  
 Dile xwe neêşînê  
 Ji min nexeyîde  
 Ez ê rastîyan bêjim  
 Ez ku kurmamê xwe re bizevicim  
 Bi zarok nebim, nekevim alîyekî  
 Hunê bêjin; “tu kêr nayî”  
 Ew ê ser min re hêwîyê bînê  
 Ku keçan jî bînim  
 Ez ê bê qedr û qîmet bimînim  
 Hemû ji hev re min suçdar dibînin  
 Kes sedeman nakolînê  
 Her ku ez qîzan bînim  
 Ew ê navê min bibe  
 “Dêlika tirû, çi qencî jî ji te çênabe”  
 Tu bi xwe van gotinên giran dizanî, ne bîyanîyî  
 Navê min nabî; “jina çê”  
 Ew ê dora min bi diwarê şermê were hûnandin  
 Hestên neserketinê bedena min dagirdikin  
 Tama jîyanê xirab dikin  
 Ku ez kuran bînim  
 Her ku kur zêde bin  
 Ez ê jîr bim, bibim xwedî hêz  
 Bi xwe bawer, nav goman û malan de bimeşim  
 Xesûdîya jinên xwedî qîz tînin, bibînim  
 Gor hejmara lawan xurt bibim  
 Hember cîsnê xwe nedilşewat, hişk  
 Guneyê min bi cîsnê min nayê

Ez ê durûyek zalim bim  
 Wekî mêran ser qîz û jinan zordarîye bikim  
 Bûkên ku qîz anîn biçûk bibînim  
 Dayîkê heta berîya demêkî  
 Min nedizanîya jin can didin dinê  
 Min dîdit lê belê min fêm nedikir  
 Wekî hatibû gotin, cîsnê xwe sivik dikir  
 Dayîkê ez ku bizevicim  
 Ez ê jî jintîya xwe, li hemberî jinan bixebtînim  
 Bibim jinkok  
 Yên dora xwe biêşînim  
 Neheqîyê li wan bikim  
 Wan re jan û êşê amade bikim  
 Bibim cazû  
 Bo tolê lawan mezinkim  
 Kuştina kurdan re amade bikim  
 Bi ramanên xirab serê van tijî kim  
 Rêya yekbûnê bi tovên neyartîye hêşîn kim  
 Dadê li min bibore  
 Ez naxwazim bo kuştina kurmancan lawan ,  
 xwînîyan xwedîkim  
 Bi neyartîya qevmê xwe har û dîn kim  
 Rû pezek û bostek erd de  
 Koçer bîrên xwînê çêdikin  
 Em hev re neyartîyê re jêhatîne  
 Ji dagirkeran jî fihêd dikan  
 Bo pîrsgîrêkan re çareserîyê bibînin  
 Dikevin nav lepên dagirkeran  
 Beran û pezê çê serleşkerên qerekolan re dîyarî dikan  
 Em kurmanc xwînîyê hevûdun in  
 Bîyanî jî temaşevanên me ne  
 Em çima hevûdu bikujin

Çima serleşker bikevin navbera me?  
 Malbatên din, eşîrên din kî ne?  
 Em yêkin  
 Dayîkê ew ê şuna kurmancên bê aqil  
 Jinxas û mêrxasên aqil bigirin  
 Toreyên xirab li me dûr bimînin  
 Dayîkê ku min xwestina te banîya cîh  
 Minê bi hestên xwe berpîrsîyarîya malê bikira  
 Nevî mezinkirina  
 Cîyê aqil, zanabûnê bi hestên kevnêpoşîyê perwerde bikirana  
 Minê mêr û eşîr berdana hev  
 Bo aşîyê jî cemedanîya serê xwe li erdê bixwestana  
 Dayîka min  
 Min ku rewşa te biparastana  
 Ew ê jîyana min jî ber anîn û mezinkirina zarokan de  
 Ber ji holê rakirina kêmasîyan de biborîya  
 Nedigihîştîm çilan rûyê min diqûrmîçîya  
 Reşîkên stêrkan gewr dibûn  
 Destên min vezenî wenda dikirin  
 Çermên hişk nedikelîyan û nû nedibûn  
 Morîyê piştî min ji baran xûz dibû  
 Ez dibûm pisporê çêran  
 Çîyan, berx û beranan  
 Minê mêrêkî serî hişk re jintî, mezinê malê re bûktî  
 Hinan re dêtî, hinan re dapîrtî  
 Bûkan re xesûtî bikirana  
 Heta ku bûbûma xesû  
 Minê nekarîbû ya ku pirsan bikim, bersiv bidama  
 Mêr rexne bikim  
 Ew ê neheqî li min bahatina kirin  
 Min ji bûkan re rêyên neheqîyê vedikirin  
 Minê tol ji wan bigirtana

Fera bedena xwe bo hinan bidana, bixebitandana  
 Dayîn diket in para min  
 Bo xwe minê çi bikirana?  
 Îro ez bo xwe çi dikim?  
 Min ku guhdarîya te bikira, ez hişyar nedibûm  
 Razayî, di xewa kurdan de mabûm  
 Jîyana ku li te dabûn qebûl kirin  
 Jîyana ku te jiber kiri bû  
 Bi hêvîya bişirandina min jî bû  
 Dayîkê li min bibore  
 Min şuna te de teyrên azadîyê, xwe re kirin mînak  
 Dîtinên ku bo te pîroz bûn  
 Bi wan dîtinan jî zarokan re rêberî nedi bû  
 Dayîkê ez nikarim bibim wekî te  
 Heta demeke minê kil bikişandana navbera bijangan  
 Salê de zarokê pêyda bikirana  
 Dema ku dayîka sê çar zik zarokan bûma  
 Kurmamê min keçikeke ciwan ser min re wekî hêwî banîya  
 Qey minê dengê xwe derbixistana, min bikanîya?  
 Heta sîh salî ez ê bûbûma xesû  
 Ew ê zarok nîv birçî û nîv tazî bimana  
 Ez ê bûbûma paqijvana spî û kêçan  
 Porên rişk ketîre dermanvan  
 Nav û derveyî malê daxwaza kurmamê min biborîya  
 Hêlekî ve tilîyên min pînê bi şalan ve bikirina  
 Hêlekê ve teşî birêsîya  
 Ew ê kê qedrê min bizanîyana?  
 Destên xebatkar ser şeyê herîyê bitevizîyana  
 Minê jî, wekî hinan bê derman, bê tixtor zarok banîna  
 Bi paçên qirêj bipêçana  
 Nav tûrê piştê de bigerandana  
 Zarokên min jî bê hatin, bê pêşeroj bimana



Te ev çand bê hemdê xwe jiber kiri bû  
 Wan li şîûra te de kon vedabûn  
 Loma rîya min û te ji hevûdu pir dûr mabû  
 Belê dayîkê belê  
 Cisnê mêran bo te “lawê xwedê” bûn  
 Jin ji ber mêran bi rêz radibûn  
 Dayîkê gulpêrîyan ku ez hişyar nekirama  
 Ez ê bin lingên xwedî maskeyên reş û kesk de bimama  
 Ferqa jîyana min û ya bûkekê nedîma  
 Minê jî wekî xaltîkên xwe  
 Bo keçên ku evînên xwe re revîn  
 Biryara mirinê bidana  
 Minê jî lawên xwe re bigotina we em herimandin  
 “ Kuro namûsa xwe paqijkin  
 Herduyan bikujin, ji holê rakin”  
 Mafê heskirinê nedida ciwanan  
 Ne xebera min ji roja evînan  
 Ne xebera min ji roja dayîkan  
 Ne xebera min ji roja heştê adarê çê dibû  
 Belê belê dayîkê  
 Jin gor zanîna xwe jintîya xwe dixebitînin  
 Dikanin bibin qehreman û navdarên herî mezin  
 Dikanin bibin xwîn rijandvan  
 Dikanin bibin xwesûyên xirab û xesûd  
 Dikanin bibin qerwaş  
 Dayîkê bi alîkarîya bêybûnên zinaran min biryara xwe da  
 Ez hember kevnêperestîyê şer dikim  
 Hinan xêzik kişandibûn ser jîyana me  
 Ez ê xêzikên ser welat û mirovan rakim  
 Histêrên janê paqij kim  
 Dayîkê ez ku wekî te bûma  
 Xeynî pismamê xwe min mêr nas nedikirin





Zagros, Metîna, Zap, Avaşîn, Heftanîn, Botan, Behdînan  
 Ji wê re ev herêm perwerdebûne, pêşveçûne  
 Şervanên, qehremanîyê  
 Bi sa'etan dimeşîyan  
 Cîyê westanê, paldayîne serê kanîyan  
 Tekoşîn nebû jina ber malan  
 Derveyî rêzan  
 Serihildan  
 Bi bawerî  
 Çalekvan  
 Ne klasîkvan  
 Zana û rêber  
 Bi hêrsê, bi nefretê, bi kîne rabû  
 Gor edetên kurmancan  
 Navê wê, ne di nav "keçên baş" de bû  
 Wê guhdarîya mezinên xwe nekir  
 Xeber û xwestinên wan li erdê dabû  
 Bin gotinên kevneperestan de nema  
 Ne guhdar bû  
 Vekirî xwedî dîtîna û bawer  
 Belê ew Tekoşîn bû  
 Koçerê yekemîn bûyîna ne tişteki erzan û rehet e  
 Bedelê cuda bûnê pir pir zehmet e  
 Yê şer kirinê zêdetir giran e  
 Li ser me pir baha rûdine  
 Gor bê fêman qîza çê, çalekvan bê ar e  
 Barê piştta me textê, zinar e  
 Bedelê "pêşverûtiyê" bo te çi bû?  
 Berpirsiyarîya giran li ser milê we bû  
 Cîran û nasên te ji te bawer  
 Bi hêvîya xeberên serketina te bûn  
 Kurmamê te jî ji xwe fêdî dikir

Dû te re ew jî ji ser mîndera erdê rabû  
Sê çar meh du te bû  
Derket, berê xwe da Botan  
Di rêça pilingan de bû dozvan  
Koçerê  
Gor kevnêşopan em “jinên ne baş”  
Gor mejî em xwedî biryar  
Xwedîyên hesyeta xwe  
Em cûda  
Ne milkê hinan  
Xwedîyê xwe û welat  
Xwedî raman, bi xwe bawer, ser pîyan  
Bindestan re parêzvan  
Me xwe, bi dîtînen xwe dan qebûl kirin  
Em derveyî toran bûn  
Yên serketî em in  
Yên ku me re digotin; “jinên bêşerm û ar”  
Îro qîzên wan şopa te de diherin  
Kilamên netewî dizanin  
Tekoşînê, delala zinaran  
Belgazera kendi, doravan  
Tu mînakî  
Du te re li nav bajêr çend şervan derketin?  
Ya rastî ez jî hêjmarê nizamim  
Dîya te ji min re xeber şandîye  
Gotîye” bila dile xwe honik bike  
Qîza min ji min dûr kir  
Bi dîtînen bîyanî rêya  
Serî rakirinê wê re vekir  
Berîya çend mehan çûm Cizîrê  
Kirasên bûkitîyê min bi destê xwe bijart  
Stand, wê re çêkir

Qîza min bazda çû  
 Li xwe nekir  
 Çi bikim qedera xwedê ye  
 Xwedê qismet nekir  
 Ji kerbê, ji tirsaxwebera mirinê  
 Agirê Araratê dilê min de çih çêkir  
 Pezkûvîya Zagrosan tu armancê de serketî  
 Nav bajêr de behsa te tê kirin  
 Navê te tê gotin  
 Koçera Didêran tu egîtî  
 Yên ku hember xwestekên te bûn  
 Îro bi rêz behsa navê te dikin  
 Bav û dayîkan şervanan, nav gel de xwedî hesyetin  
 Mêvantîyê de goşê mezin bo malbatên we rast dikin  
 Xezala Behdînan  
 Îro kovara jinan pel û pel vedikim dixwînim  
 Nav mirîyan de navê te jî dibînim  
 Nikarim xwe bigirim, ez bê deng dimînim  
 Dibêm xwezî min ew pel venekirana  
 Xebera ku ez kuştim nedîtana  
 Jana te ez êşandim  
 Tekoşînê xwe re wekî dayîk dibînim  
 Koçera du kezî te ku rext giredan  
 Dêrsim yek salî bû  
 Naha pirsaxwebera te ji min dike  
 Dibê, “ dayîkê, behsa Tekoşînê ji min re bike”  
 Dixwaze te bi her alî ve nasbike  
 Lewz di gewrîya min de dixetimîn  
 Nikarim te bînim ziman  
 Baza Avaşînê ez bi bawer bûm  
 Jîyana zor û zehmet ji te ne dûr bû  
 Te xwest ku hevalê xwe xilaskî

Loma canê te ji te xatir xwest  
 Li hespa qir siwar bû  
 Çûkreşika Heftanînê  
 Azadî wekî tilsimek jîr bû  
 Bedena me de şûngir bû  
 Ne we ji me  
 Ne jî me ji we dev berda  
 Cem me xwedî xatir bû  
 Nizanim te zêdetir bêrîya çi kiri bû  
 Bajar ji te pir dûr ma bû  
 Dîya te her ku nimêj fikir  
 Te re nîyazkar bû  
 Şixulê te yê nav bajêr hinê din girtibûn ser milên xwe  
 Ciwan şixulkar bûn  
 Bilbila Zapê  
 Dîya te ji min re digot; “Nav me koçeran de nayê qebûl kirin  
 Suretên jinan nayên kişandin  
 Nayên wênekirin  
 Xatirê xwedê suretê qîzên min nekişîne  
 Îro dilorîne, digirî  
 Dibê; “suretek keça min tune ku  
 Ez bidim ser sîngê xwe  
 Şewata dilê xwe sivik bikim  
 Ez ê kezî kurê, valabûna wê bi çi tîjî kim?”  
 Zerdeloka deşta Sê’êrtê min nekanîya xebera reş bibêm  
 Nav merî û nasan de bilavbikim  
 Ez ji çokan ketim  
 Wê carê bi rastî te xatir xwest  
 Dizanim te bi dil, birîndar parast  
 Koçera çanda netewa serbixwe  
 Wekî te dizanîya  
 Dagirkeran nav me de destên qirêj peyda kiribûn

Dema hin eşîr qirdikirin  
Eşîrên ne ji hevûdu dilxweş  
Li wan dinêrfyan  
Şahidî dikirin  
Gor wan ew eşîr ji hal diketin, jar dibûn  
Neyarê neyarên wan  
Dostê wan bûn  
Bê fêman digotin; “ aqûbet li serê yên din,  
çiqas xweş e, xweşik!”

Bi nezanîtiya mezin  
Bi mejîyê vala dikenîyan  
Digotin qey war û milkên bê xwedî  
Dimîne ji wan re  
Nedizanîyan hemû ji hev re ga û berxên ber kêrê bûn  
Xew de bûn, hişyar nedibûn  
Bargirana Metîna  
Sebebê şer wendakirina kalik û dapîrên me  
Ne şervanîya dagirkeran, şêlanvanîya wan bû  
Ne teknîkên şer bûn  
Ne jî ji şer dev berdayîna hin bê ziravan bû  
Gîyana jar, wendakirî, bê hêvî  
Yek nebûna netewî  
Netewa me hêdî hêdî ber textê ketinê ve kişandibû  
Mezinên me tama jarê, tam kiribûn  
Kefenên reş xwe re amade kiribûn  
Zarokên xwe re, me re ne standkar, dêyndar bûn  
Hêvî hatibûn pelixandin  
Welat hatibû qelişandin  
Xesûdîya mezinên kurdan  
Li hev qarîna begên qure  
Xwesteka serîbûna nezanan  
Hev nexwestinê bîyanîyan re derî vekiribûn

Kurdan hevûdu birîn, têkçûn  
 Me hevûdu bi bin xist  
 Dagirker bilind kir, jor ve derxist  
 Hevûdu nekişandinê, xesûdîyê em kirin vî halî  
 Em zarokên ku mejî û bedenên wan dîl hatibûn girtin  
 Em nevíyên bedenên qelişî  
 Em pêmayîyên kesên ku bi xelatan hatibûn xapandin  
 Me jan û êşa kal û pîran  
 Nav tixûbên serên xwe de her roj nû kir  
 Nifşên sêyemîn yekîtîya netewî pêk anî  
 Rihên serfiraz amadekir  
 Kewgozela Cudî  
 Îro qinarbazên me ji tirsê dilerizin  
 Lertzandinê, xwûdanê, xwe ve berdanê û  
 vereşandinê cîh guherand  
 We xwînîyên me re rîya revê vekir  
 Zarokên heft salî jî bi tilîlîyan bersiv van in  
 Bi destên qûç hemêzkerî, hember mirinê ve terin  
 Koçerê em gervan bûn  
 Em li xwe digerîyan  
 Koçer, gundî û bajarîyên me  
 Li hevûdu bîyanî diman  
 Pepûka Girê Xirmo  
 Xwestina mina herî mezin ew e  
 Ku ez te bikanim binivîsîn im  
 Dixwazim te bînim ser ziman  
 Te bi şermokatîya te  
 Te bi lertzandina te  
 Te bi mîlîtanîya te  
 Te bi êrîşvanîya te  
 Te bi şervantîya te  
 Te bi guhertinên te

Te bi jîrbûna te  
 Te bi fedekarîya te  
 Te bi evînên te  
 Te bi mînak bûna rêhevaltîyê  
 Dixwazim morîyên li lewzên bo te, bigihêjînim hevûdu  
 Li girê Xirmo bayê payîzê çavên li reşîya ezman maçîkir  
 Axa gewr te re singê xwe vekir  
 Koçera min dixvazim te hemêz kim  
 Bi rêz, bi evînîya herî mezin, enîya sor û spî de maçîkim  
 Destên pîroz bidim ser singa xwe  
 Te ji erdê sar rakim  
 Delala ber dilan  
 Neyarên der û mal ve  
 Têyan, pilingan, şêran xesûdîya te dikirin  
 Hember jîrbûna, pêşketina te dibeeçîn  
 Keça koz û guman  
 Şîlana serê Gabar û Besta  
 Şikeftên çîyayê Spî û Qendilê bê mêvan û bê silav man  
 Gula kûvî, mizgîna raperînê  
 Melhema derd û kulan  
 Kes xeber nede jî  
 Civat bê deng bimînê jî  
 Dîrok bê deng namînê  
 Xeber dide, dinivîsînê  
 Ew ê dîroka vê sedsalê were nivîsandin  
 Hin navan bidin serborînên me  
 Dilên ji polan, pêwîst e nivîskaran re  
 Hemû derî û mijaran vekin  
 Pezkûvîya girê nîskê  
 Em hatin guhertin, civat hatî guhertin  
 Botî dibêjin;  
 “Şixul çekê, mile xwe ke



Roja ku tu bivê  
 Li ber xwe ve ke  
 Heban ji keran çê nabin,  
 Jin diçin xwînê, xwîn betal dibin  
 Yê ku bi jina xwe nikare ne tu mêr e  
 Bi lavlavê mirov jina xwe nake der  
 Du dayîk hev re berxa ner xwedî dikin  
 Jin qesre, mêr girtî ye  
 Mêr çem e, jin gol e  
 Dera jinan xira nekirîye, hin ava ye  
 Bi xwezîyan destê mêran nagihêje kezîyan”  
 Îro lewma bi sedan qîz bo rext giredanê radibin  
 Tabûrên jinan çêdibin  
 Neyarên azadîyê hember êrîşan nexweş dibin  
 Belê, jinên zana pêşîya mirina neteweyî digirin  
 Hem welatîyan kom dikin  
 Pir dûr ve rewşê şîrove dikin, bi xwe bawêr şer dikin  
 Ne mêr, ne jî rêxistinên mêranî  
 Ne jî ramanên dagirkerî, nikarin  
 Nikarin me pêşve bixînin û bîyekbûn bikin  
 Qeremixa sor  
 Hember pêşveketina jinan  
 Mêrên nezan dev vekirî man  
 Ew bi xwestinê ne dibûn maf dar  
 Te gelek baş fêmkiri bû  
 Tiştên netewî dîrok, hemû bi hestên, dîtînên mêranî  
 Dihatin nivîsandin  
 Sirûşa netewî; “Ey Reqîb”  
 Mînaka herî mezin  
 Bo xilasbûnê, behsa mêrê Kurd dikin  
 Şervanîya, jîrtîya jinan qebûl nakin  
 Ew ê jin bi zanabûna xwe

Kemasîyan, xelatîyan ji holê rakin  
 Sipîndara çolan  
 Dayîka te her dem digot  
 “Hîvxana min  
 Bi hesreta te me  
 Guhdara nûçan im  
 Hêvîdara têyran im  
 Ez dibêm qey ez ê car caran te bibînim  
 Bi destên westî te bixemilînim  
 Gulîyên bi qirêj, bi xwûdan  
 Bişom, bihûnim, bèn kim  
 Kêmasîyên keça xwe pêk bînim  
 Bi dil, bi destê xwe rêkim”  
 Koçera çalekvan dîya te xebera mirina te girt  
 Xwe re fistanê reş dagirt  
 Dilorîne, dilorîne  
 Bi pêtên jana agir distirîne  
 “ Kezeb, kezeb  
 Bi tirsê xebera reş  
 Çavên min li rêyan bûn  
 Min xewn didîtin  
 Bi dengê te hişyar dibûm  
 Xewnên xirab pêşîra min ber nedidan  
 Diketim rêyan  
 Min ji te re derman, gore û sol dianî  
 Kirasên te dîwêr de dardakirî hêvîya te man  
 Kezeb, kezeb, kezeb  
 Min digot ez ê birû û bijangên keça xwe çêkim  
 Destên çek girtî hinekim  
 Ez ê tirba kevoka xwe li girê Xirmo vekim  
 Axê bi neynûkên xwe bikolim  
 Erdê çalkim

Egala xwe li ber devîyan vekim  
Tilî, gulî û bedena qelişî bigêhêjînim hevûdu  
Bi histêrên xwe bişom  
Ji xwînê paqij kim  
Gor xwestina xwe binerd kim  
Xwîna ku pijiqîye ser dar û beran bimalêsim  
Li ser û çavên xwe re bikim  
Xwelîyê li serê xwe bikim  
Ez çiqas bêbextim  
Kezeb... naxazim rastîyê fêm bim  
Tirba keça min li ku ye?  
Min re rastîyê bêjin  
Ez ê serî lêdim  
Xwe re wê derxînim  
Bawer nakim meyîtê belavbûyî bibînim  
Li ser hevxistinê meh borînê  
Pêncê tirmeha nod û heştan  
Tu bê gîyan mayî  
Eza kezî kurê nû dibihîzim  
Jan û xemgînîya, bê hal mayîna  
Bavê te dibînim  
Kesên ku dibên mêr nagirîn  
Bi rastî êşên wan nabînin  
Ji ber xwe ve xeber didin  
Xeyalan dibînin  
Kezeb, kezeb  
Li hesreta te bûm  
Guhdarê nûçan bûm  
Hêvîya têyan bûm  
Min digot qey ez ê carek din te bibînim  
Heta ber ava Botan te biborînim  
Kezeb, kezeb, kezeb

Me re ne zarok, ne jî heyî ma  
Hun him bûn şervan  
Him jî bi salan girtîgehan de man  
Halê me tune ku em herin serdana wan  
Xwedîyê kerîyan  
Mala 20 zarokan  
Nav tunebûnê de, feqîrîye de  
Di bêdengîyê de man”  
Tekoşîn îro sal vegeza mirina te ye  
Girê Xirmo, kanîya mîran nav bê dengîyê de maye  
Par vê demê  
Roja havînê bi dermanên kuştinê  
Kiribûn tarî û gewr  
Li mezra Botan, gelîyê mîran mabû bê tav  
Tekoşîna Didêran serleşkera sed kesî bû  
Bi pêşketina xwe  
Bi rastî û duristîya xwe  
Nav artêşe de, nav eşîran de xwedînav bû  
Koçerê loma şuna candana te  
Koçer û gundîyan re pîroz bû  
Helwesta Koçerê  
Dagirkeran re bersîv bû  
Li Botan raman anîna ser ziman  
Weşan, navdan qedexe bû  
Loma Koçer hedî, hedî ji ser mînderê rabûn  
Tevli artêşê bûn  
Bi şervaniya heft salan deng da  
Keça bindest re mînakek gelek baş bû

## Sal 1915

Kurmancan digotin em ê ji xwe re cîh û war avakin  
Bi hezaran merên kurmanc bo textên romîyan leşkerîyê nakin  
Dawîî  
Bi hezaran kurmanc nav berfê de man  
Bo serfirazîya Elmanan cemidin  
Mirovên wan meyîte wan jî nedît in  
Ez ji we dipirsim, ew mêr çima mirin?  
Mêrkujên me dagirker in  
Yên xwedî aqil, bo serfirazîya bîyanîyan  
malên xwe bernadin, narin  
Osmanîyan bo hevalbendên xwe gelek gelan xwarin  
Cîrantîya gelan xirab kirin  
Nav wan de neyartî amade kirin  
Kurmancan dibin seferberîyê  
Hember Urisan didin kuştin  
Bi hezaran meyît nav berfe de hiştin  
Malan de şîn amade kirin  
Dilxweşî û jîyan nehiştin  
Ser pişt mirovan bar in  
Bo leşkerên xwe nanên gundîyan digirtin  
Ked dixwarin  
Jinan nedikanîyan cot bikin  
Zav û zêçê xwe xwedî bikin  
Tenêbûn, serî reşbûn, stû xwarbûn, ro nedîbûn, pîr û kalbûn  
Paşan bo xwarina xweş êrişî gundan dikirin  
Êşa birçibûna belengazan fêm nedikirin  
Jana zikên birçî û lingên tazî digîhişt hev  
Bi zikê birçî dikare razê?  
Têr raketin bûbû xewn  
Nexweşîyan mirov qirdikirin

Bedenên bêhal tirb dikolan, erd vedikirin  
 Armanca paşayên Îttîhat û Terakîyê navên wan bûn  
 Bo hespên xwe kadînan jî valakiribûn  
 Garanên gundîyan bê ka bûn  
 Nav malan de sorxac nemabû  
 Leşkerên bin zordarîya Osmanî û Germanîyan  
 Kê ku firsend dîdîtîn direvîyan  
 Yen ku hatin girtin dan ber tifîngan  
 Kurmancan re digotin;  
 “Hun direvin , hun şermnakin? Ew şerekîpiroz e!  
 Derde wê tenê jin e, mal e”  
 Qîyma wan bi Kurdan nedihat  
 Çekên giran li wan dur digihirtin  
 Serleşkeran digotin; “Şur ji we re bes in  
 Hunê bi tifangan çi bikin?  
 Firsend bikevî dest we!  
 Hunê berikan bedename de valakin  
 Dikanin çekan bidizin û bi rêkevin  
 Em dikanin bi dare zore we ji xwe re bidin xebitandin  
 Tarîya nivê şevê de bazdidin, wendadibin  
 Hun axayên aşîrên xwe re dibêjin; “Ez xulam, ser sere min”  
 Serketina arteşa Germanan nafikrin  
 Alikarîya kurdan nebe  
 Arteşa Osmanî ku xwedîdibe  
 Êris serdikevin”  
 Gundîyan mal bardikirin  
 Qîz û jinan xwe bi vî halî li pelişandina leşkeran xilasdikirin  
 Paşan digotin; “Eyyy kurdino, nifiran mekin  
 Nebên; “ bila textên zilme bikevin  
 Em misilman in, em yek in  
 Hunê me re xulamîye bikin  
 Şûr û nanê tisî we re bes e  
 Hunê xwarina xweş çi bikin?

Hûnê ku me tenê berdî berevî  
 Topên Elmanan dikanî gundên we bihelîşîn  
 Canên zarokên we biqelîşîn  
 Xortên pazde salî jî bo serketîna me enîyê re bişînin  
 Kurmanc zevicandinê çî bikin?  
 Derdî, toqê naletê ne  
 Her netewa xwe zêde dikî  
 Çiqas zêde bin, ewqas tengasîyan, pîrsgîrêkan li serê me re vedikî  
 Em ê we di şeran de bixebtînin  
 Bi zanebûn dawîya netewa we bînin  
 Axa û begê we yên navên xwe hene  
 Çî ne? Tune ne  
 Kurmanc paşverû ne, paşve mane  
 Em Germanan re yekîtîyê avadikî  
 Bo wan êrişî ser Êrîsan dikî”  
 Kal û pîrên kurmancan dibêjin  
 “Em ê çî bikin, em ê çito hesîrên xwe xilas bikin?  
 Zordestîya ku Osmanî li me dikî  
 Qey ewê Êrîs rewşa me fêm bikin?”  
 Serleşkerên Germanan re kar dikî  
 Turanîyan şer wenda kirî  
 Bi alîkarîya berfe netew xilas kirî peyda kirî  
 Enver Paşa yêxwînxwar li hespê siwar bû  
 Ji enîye revî  
 Digot; “ez hem şêr im, hem jî rovî  
 Germanan re yekîtî avakî  
 Hêvîya dagîrkîrîna welatên jor  
 Petrolên kawkasan wenda kirî  
 Êrîsan hezeran dîl bi xwe re birî  
 Kurdên belengaz jî sermayê  
 Ji birçîbûnê û jî spî xistinê mirî  
 Osmanîyan gor xwestî û armancên xwe  
 Bi hezeran kurmanc li herêma serhedê qîrkîrî

## Tirsonek

Ji tirsonek bitirse  
Ji tarîyê dernakeve der  
Ji bayê paşîya xwe  
Ji sîya bedena xwe ditirse  
Bê sedem diqîre  
Dengên xirab derdixe  
Xwe bixwe re deng dike  
Halê xwe fêm nake  
Guneyê wî bi kesî nayê  
Li dora wî li merhemetê negere  
Rihê azad li wî pir dûr e  
Xwedî xof e  
Pêwîst e merî li berhemên xayîntîya wî bitirse  
Ramana wî dijminatîyek bê sînor e  
Tirsonek bi tirsê radibe, rûdine  
Rast ve, çep ve vedigere  
Mirovan, dar û beran ji xwe re dijmin dibîne  
Dengê şax û pelan wî ditirsîne  
Hestên merîtiyê, heskirinê ji wî direvin  
Dûr diskinin, dikevin, tirsonek ditirse  
Bi hêlecanê roj diborîne  
Dilopên berhama tirsan dibarîne  
Bingeha hekmê wî bi tirsê hatîye hûnandin  
Dîwar bi zilmê hatîye ristin  
Qezî bi barên tûrê pînekirî hatine şandin  
Gefan dixwe, sondan rêz dike  
Tirsonek her ro gavek din ji mirovahîyê dûr dikeve  
Nav tarîya şevê de maye, roj vênakeve  
Bi wî halî xwe zana û pir çê dibîne  
Li xwe, li civata xwe bîyanî ye  
Gor xwe hişare, çav vekirîye



Bedena wî de tevizandin û kud bûn cîran e  
 Keş nikare silavê bidê, bê mêvan e  
 Tirsonêk ditirse  
 Paşîyê de bayê genî ra dibe  
 Bîna kelaxan belav dibe  
 Ji rastîyan, ji ronahîyê ditirse  
 Bi ber rûya xwe tirsê xwe vedişêre  
 Yê zana halê wî dibîne  
 Tirsonêk gelek hez ji tarîyê dike  
 Ronahîyê ji xwe dûr dike  
 Derîyên qesra tirsê cîh dide  
 Paçên reş li caman dipêçe  
 Tirsonêk ji tirsê ditirse  
 Tirsê dajo, tirsê diçîne  
 Tirsonêk serê xwe radike  
 Hêla rast û çepê re vedigerîne  
 Singê xwe yê ji doça bizinê pêşve dikişîne  
 Lîngan hev re dizeliqîne  
 Çi mêr e  
 Çavê min birije  
 Çi mêrekî çê ye  
 Çavên sor bûyî û kut, kuta dil  
 Herdem pêre ye  
 Halê wî veşartînamîne  
 Pir eşkere ye  
 Tirsonêk şerm nake  
 Devê tûrê tirsê vekirîye  
 Teslimê bayê xurt kirîye  
 Bi sakola sorximan belav dike  
 Bijangên kişandî  
 Birûyan didin ber xwe  
 Hêla enîya rût ve dibezîn in  
 Tirsonêk ji xwe direve

Xwe wekî zilekî dibîne  
 Şanovan e, naqefile, dîlîze  
 Pêşîya temaşevanan camêr e  
 Paş perdê de nav hestên piçûkbûyîne de digevize  
 Wî halî wekî xweşî dixemilîne  
 Tirsonek nikare bibêje:  
 “Ez ku çaw me, dixwezim wer xuya bikim  
 Yên dora min, min bi rastîyên min qebûl bikin”  
 Ya rastî rengên rûyê wî xwîdanê re yek dilop dikin  
 Rengên sîs û çeçer dibiriqin  
 Tirsonek ji çêbûnê ditirse  
 Di xewnên dirêj de, di nav avê de dimîne  
 Xwe di nav koma pirsevanan de  
 Û destên, tilîyên heqzanan li dora gewrîya xwe dibîne  
 Çavan li rîya xelasbûnê digerîne  
 Bi qîrînîya ku dil diqelişîne hişyar dibe  
 Dikare lihêva ser xwe biqelişîne  
 Hewayê odê wî dixeniqîne  
 Her kesî xwe re dijmin dibîne  
 Hindik, hindik tenduristîya rihê wî xerab dibe  
 Tirsonek ditirse  
 Gavên wî nava wî dibizdîne  
 Kêfxweşîyê nizane  
 Destên xêrxwazîyê gez dike  
 Gavên merîbûnê payîn dike  
 Wekî baçermok ronîyê nabîne  
 Berê xwe dide qulan  
 Şunên kûr ji xwe re perezgehê dibîne  
 Tirsonek ji xwe bawer nîn e  
 Hestên xwe yên piçûk dîtîne  
 Nav çavokan da zîl dane  
 Tirsonek pir feqîr e, perîşan e  
 Tirs û heznekirin di serê wî de hevalê hevûdu ne

Bê kêf e, bê tam e  
 Barvan e  
 Barê wî tirs û xem e  
 Nikare tenê derkeve derve, bigere  
 Gepek dikene  
 Gepa din bin barê xemê de qefilî ye  
 Tirsonêk qure ye  
 Li xwe nagire giranîye, mirovîfî yê bipîve  
 Xwe li ser berzên sipîndarê dibîne  
 Loma bê dor û heval e, tenê dimîne  
 Seba denkirinê, guhdarîya kesî peyda nake, nabîne  
 Tirsonêk bar giran e  
 Jana, niheqîyê, tirsê belav dike  
 Di dil de şîn e, li derve kenê gir dike  
 Bi didanan qurcên keviran hûr dike  
 Nezan e, nikare serê xwê rake  
 Kûr e! Rêyên rindbûnê nabîne  
 Ji xweşbûnê fêr nake  
 Serê sibê bi dijûnan vedike  
 Ewrên tirsê belav dike  
 Xwe û xwe re, ji bedena xwe re pevdiçê  
 Şermê nizane  
 Kesayetêk pir jar û sivik  
 Qudreta bedena xwe nas nake  
 Kûr û xêr nexwaz e  
 Dest û lingên serzabitê xwe ye  
 Tizbîya tilîyan e  
 Bilind nabe, kinik e  
 Dagirker û dizek e  
 Dikare bişewitîne, bihelişîne, belav bike  
 Ji tirsonêk bitirse  
 Ew xwedîyê dar û çekan e  
 Neçar nîn e! Lê...pir, pir nezan e

## Ez Dayîk im

Ez dayîk im  
Kê got bar sivik im?  
Bin giranîyê dê bûnê  
Bin giranîya jin bûyî yê  
Bin giranîya rewşenbîrtî yê  
Bin giranîya welatparêzî yê  
Bin giranîya ramanên kevneperest  
Bi hemû hêrs û kamên xwe gav davêm  
Dagirker û dijminan re  
Ez qefilîm, teslîm, teslîm  
Qet nabêm  
Seba xwe û zarokên xwe wekhevîyê dixwazim  
Helbestên xêrxwazîyê dibêm, dinivîsim  
Hêla ronahîyê ve dibezim  
Ew zarok in, xwedî heq in  
Yek destê min  
Yê din pêşa min dikşîne  
Hûr in, barê li stûyê min nabînin  
Heskirina min parve nakin  
Pevdiçin, şer dikin  
Carman yê gir yê piçûk wekî şîrîk, dijmin dibîne  
Xwe bê kes dihesibîne  
Di bin hestên tenebûnê de dimîne  
Dê nikare bibe du çelet  
Paşîya piştên giran  
Mejîyê min ber li sarê ket  
Sal bi pevçûnê, bezînê derbas bûn  
Kezî qefilîm  
Derdên bê derman hêdî, hêdî bedena min de avabûn  
Pirsgirêk û barên giran, pir zû amade dikin  
Bedena belavbûyî û wêran

## Ew Pêxwasekî Amedê Bû

Ew gundîkî serîhişk  
Gor xwestina xwe  
Radibû, rûdinişt  
Ji tirsê law berda derbas nedibû  
Ew mêr bû  
Pevçûna dê û jinê  
Xwestinên bav û biran  
Lê giran dihat, tengasîyê de mabû  
Nexwendî bû, navê wî bûbû şivan  
Digot; “ pevçûna nav malê, di canê min de  
Bilî çûyina Ewropa  
Ji min re rê û dirb nema”  
Tûrikê xwe avêt piştê xwe  
Xwe bixwe re bû qilawuz  
Li bajar û tixûban derbas bû  
Hal nema bû, pir qefilî bû  
Bi hêvîya dîtina bihuşt e  
Ser lingan ma bû  
Hatibû, gihêştibû xwestina xwe  
Sal derbas dibûn  
Mayîn, mêvantî pir zehmet bû  
Wî jî ji xwe re porzerikeke dîbû  
Dema ku em rastê hev hatin  
Ji min re çîroka xwe deng kir  
Serê xwe ber xwe de berdida  
Ji xwe şerm dikir  
Ew mêrê Amedê bû  
Nedixwest şun ve vegere  
Seba mayîne rîya zewcandinê dîbû  
Pîra cem wî

Ji wî re wekî dapîr bû  
 Dema ku destê hevûdu digirtin û dimeşîyan  
 Wekî mehîn û canîyê rewş didan  
 Bejn û bala wan wekî hev nebû  
 Gundîyê Amedê, şivanê pêz  
 Bi hers û çalim bû  
 Min pir rind fêm kir  
 Qet, qet rehet nebû  
 Wekî şanovanan rola xwe jî ji bîr kiribû  
 Ji hêlekê ve dilîst  
 Hêla din ve dihelîya  
 Pir jî serhişk bû  
 Li welat jin û zarok birçî, tazî  
 Wî lingên xwe li erdê dabûn  
 Venedigerîya  
 Tevlêhev bû  
 Rewşa xwe fam nedikir, hişyar nebûbû  
 Berdêla mayîna welatê xelkê  
 Ya rast pir giranbûha bû  
 Min ji wî re got “şerme, vegere  
 Ew jîyan gor te nîn e  
 Te dihelîne, dixwe  
 Xebera te tune  
 Tu kurdê misilman  
 Hînbûyî vexwarinê  
 Sibê gîyayên tevizandinê dû re tèn  
 Li gund jin û zarok nîvbirçî hêvîya te ne  
 Wegere, birayê min li vira nemîne, here  
 Ew sako te re pir teng e  
 Bedena te nav de nerehete, bê deng e  
 Serê te hêla ronahîyê ve venagere  
 Şivanê me bûbû girtîyê Ewropa

Welat û merî jê pir dûr man  
Rojekî em rastî hev hatin  
Çavên sor, tilîyên di nav lerzanê de  
Guneyê min pê hat  
Em rûniştin dora xonça gilover de  
Yeko yek derd û kulên xwe rêz kirin  
Min guhdarîya şivano kir  
Dengê klamê bilind  
“Anê navê welatê xelkê çiqas şêrîn e  
Ka were halê min bibîne  
Dilê min tijî bûye  
Ez ê biteqim, hemû îcran û birînê  
Ez ê kê re bibêm  
Were destê min bigire  
Kes tune, Xwedê jî ji min dûr e  
Niha min nû fam kir  
Koçberî mirin e  
Ez li ber derîyan mam  
Hal ne hal e  
Rewş perîşan e  
Niha welatê xelkê bi xelkê çiqas şêrîn e  
Çima qîmeta me û welatê me tunîne?  
Em hev re wekî stirî û gûnî ne  
Deşt û çîyayên me tèn ber çavên min  
Qey çîyê me ji wan kêmtirî ne?  
Ez çima ketim rê?  
Li çi digerîyam?  
Xelkê ez xapandim  
Min ji gundîyan şerm kir, venegerîyam  
Bêkes im  
Îro li xwe dipirsim  
Xwedayê wan ji yê me rindiktir e?

Mirovê vî welatî ji birçîyan namire  
Xelk li welatê xwe  
Di mala xwe de  
Porzera min derî koç kirîye  
Min ber nade hundir  
Dibê; “mey malê, serî kundir”  
Nîvê şevê ez mame ser nêrdîwan û şîpikê  
Nav bê dengîya hîvê û xemgîrîyê  
Min digot bes e, ez axa û began re nabim potîn  
Wana li min danê fêmet kirin  
Bê nasname li vira bê qîmet im  
Dimînî tenê, dimînî bê silav  
Histêr çavên min de bûne wekî baran  
Xwezî dîsa ez li wan çîyan bûbûma şivan  
Xelkê bihuşt bi dest û keda xwe çêkirine  
Yên me jî gotine xwedê şikir û temaşe kirine  
Em herin kû jî dikevin bin lingan  
Ez xelkê azad re bibêmet  
Qeda û belayê we bigirim jî  
Min li ser doşegên xwe nakin mêvan  
Xwestinên min bê bersîv dimînin  
Li koçberîyê, xerîbîyê  
Ewr çavan teslîm digirin  
Teyrokê dibarînin  
Dayê ka were tu yê min nas bikî?  
Tu ku min bibînî  
Kezîyên spî rût bikî  
Ew ê bibe qîrînî û hawara te  
“Lawo, lawo lingên min bifirîyana  
Minê tûrê parsê di stûyê xwe de bikira  
Bersinga koçberîyê te de nekira  
Ew çi hale?



Tu jinên bîyanî re bûyî benî zava”  
 Ez ji hemû xwestin û gotinan re dibêjim ser serî  
 Li welat em birçî, tazî  
 Temaşa halê me bike  
 Li van deran mera dimîne bermayî  
 Li erdê xelkê tişteke destê me de namîne  
 Ez temaşa halê xwe dikim, xwînê davêjim  
 Min roj nedî, şîn e  
 Anê xalîya wan bi wan ewqas şîrîn e  
 Ez nizam em çima heskirinê nizanin  
 Çima bi hezeran kurmanc koçberî ne?  
 Her dem li piştê me kevir û dar, em li ber lîngan  
 Ew ê kî ciwanên kurmancan ji pîrên  
 Bermayîyên van deran dûr bigire, xelaske  
 Ji me re mamostatîyê bike  
 Çavên zeliqî veke?  
 Li dora min hemû tiştên bîyanî  
 Ez tenê bêkes û bêxwedî  
 Lavên min nav kefê de mane  
 Qirik û gewrî zîwan e  
 Ji mereqê deng dernakeve  
 Ez nikarim bibêrn  
 Kalik û dapîr; “rehme li we be”  
 Şivanê Amedê nav tengasîyan de mabû  
 Îşev dîsa têra xwe vexwaribû  
 Bêronahî, bêfitik mabû  
 Kolanên Swîsrê ji wî re fireh bûn  
 Bi tena serê xwe bû  
 Kesî guhdarîya wî nedikir  
 Bê welat û bê xwedî bû  
 Rastî û tengasîyên xwe nedigotin  
 Jin û zarok li hêvîya wî mabûn

## Îro Heştê Adarê

Li her hêlê jin digerin  
Bi dengên bilind bang dikin  
Diranên çeqer û sîs bi kefa qefilî hatine hemêz kirin  
Darên xwe li paçên rengîn pêçane  
Bi hêrsa salan ezman ve hilkişandine  
Ez temeşevanim, di kevîya rê de runîştîme  
Sêr dikim  
Di salê de rokî  
Çima roja jinan?  
Qey camêr li rûyê cîhanê neman?  
Çiton şûn û dem dan?  
Jin hember lêxistinêye  
Bi çav û gepên mos û mor  
Hêlîya zilma nav malê ye  
Bi berdevkên xwe re xizmetkara bênavîn e  
Jin bindest in, stûxwar in, kêrên tîn dîtîn  
Karkerên bê pawnot in  
Loma di salê de tenê bi rojekî xwedî derdikevin  
Meş, ger ku xelas bûn û vegeerîyan malan  
Dîsa mêr simêlên qijalik ba didin  
Destên dewlemend, li mûyên marê reş in  
Xwestinên xwe bi dengê piçûkdîtîne bang dikin  
“ Bişo, bipêje, qaytêke, bîne, bibe, bide, dayne, rake, tijî ke”  
Ez temaşevanê heştê adarê  
Adar, te pîroz nakim  
Bi dilê sar, çavên sor temaşa te dikim  
Weki jinên din jî bang nakim  
Hêrs dikevim  
Hûr, hûr dibêm, giran, giran deng dikim

Gor min her jin, her mêr hêlîya rêveberîya mal û welatê xwe ye  
Mêrê kurmanc dev de dibê “azadî”, lê dil de  
Dil de, li hember e  
Dibê; “ azadî bimire, ji derîyê min dûr bimîne  
Ez çi bikim ku, jin, qîz, xweng û bûkên min  
wan gotinan nebihîzin

Ew dîtî nêzîk nebe”  
Heştê adarê kulek e  
Çîtîka serê wê de wekhevnebûn dilerizin  
364 rojên dest û pişt girtîyên mêran dilîzin  
Çima roja mêran tune?  
Çima hebî?  
364 şev û roj ji wan re ne  
Camêrê kurmanc jina malê re dibê  
“Ez mêrê te me  
Ez Xizirê kal, Şêx Hadîyê Lalêşê,  
Îshaqê Mesîhîyan, ez Mihemed Mistefa me  
Tilîyên henekirî ser qefsingê bigihêjîne hevûdu  
Hember min bi kitana devgirtî  
Bi junîyên li tirsê sistbûyî, ser pîya biskine  
Tu heqê te tunîne, rûnenê  
Seba gavkirina derîyê derve  
Li şêmûgê derbazbunê  
Ji min, ji xwedîyê xwe destûrê bixwaze  
Tu dizanî ez kî me?, Teberika xwedê me  
Jinê, qîza xelkê  
Xwestinên min bike  
Mala bavê xwe bîrke  
Mesîn û lengerê bîne  
Lingên min bişo, kefke  
Bêna qefîlandina rojê ji bedena min dûr ke



Sêra jinan dikin simêlan badidin  
 û rên dirî pêşve tan didin  
 Morîyên piştan giranîyên wan ranagirin  
 Ji heştê adarê bêxeber, li rewşê bêzar in  
 Deng bilind kirina jinan wekî qeşmerî, bê dem dibînin  
 Ew koçer in, gundî ne, karmend in, karker in  
 Jin bangî wan dikin  
 “ Netirsîn, hêla me ve verin  
 We em nêzîkê kursîyan nekirin”  
 Wan bi canê jinan namûs xelas û pakiş kirin  
 Bi dîtînen kevneperest  
 Em li civatê, li jîyana civakî dût kirin  
 Di ber çavên me de perde vekirin  
 Di partîyan de, di rêxistinan de  
 Em kirin bûkên li darên ziwa û ji paçên kevn çêkirî  
 Ji xurtbûna jinan ditirsîn  
 Loma wan li karên îdeolojîk dût dihêlin  
 Bi rastî me ji xwe re rêheval nabînin  
 Tama ava azadîyê bi zimanên wan neketîye  
 Nizanin, loma xwe ji yên dora xwe jî dût digirin  
 Li wenda kirina kursîyên xwe ditirsîn  
 Bi ava danîyan rûyên xwe şuştine  
 Rûreş in  
 Ramanên rojane ji wan re kemîn in  
 Hêlîyan de xwe wekî piling dibînin  
 Polîtîkvanên me mêr in  
 Dinivîsînin, darda dikin  
 Jin di rêxistinan de demê tijî dikin  
 Ava germ yek û yek li mivanan belav dikin  
 Yên xizmetê ne, xizmetê dikin  
 Civat û mêr, hes ji jina “ stûxwar” dikin



Kele dibirin, xurt bûnê ji hevûdu digirin  
Dêra me dibînin  
Gilfîyên me dikin  
Yên kinik û dirêj li teniştê hev in  
Lo, lo tedarîka xwe bikin  
Xwe tev pêçane, dest bi dar in  
Li me qaîl nabin  
Westanê nizanin  
Pîl û pirtî li daran pêçane  
Ji sibê ve li meydanê ne”  
Kî dikare wan çavînî bike  
Mêrê ku diqarê bi çavên pirsek, tanketî  
Xwe ji komê dûr dike  
Nîrkutik bi qara jinan tên teqandin  
Helpung di pişikên de cîh digirin  
Wekî gurîyan xwe dixurînin  
Êşên bîrovan wan dilerizînin  
Pirtuyên jinan li birînan dipêçînin  
Xuraşa destan re melemê nabînin  
Di destê van de çi tiştêk nine, nikarin tiştêkî bikin  
Mêrên qolîk ji hersê mînderan didirînin  
Yên terin ser axpînan  
Wekî congeyên Qersê  
Zibil hildavên, diweşînin  
Xwe wekî gayên di bendesamîyê de dibînin  
Dor hindik, hindik tê jinan  
Loma agir ser xwe de diweşînin  
Jin dibê; “ ez vî derdî nakişînim, nasekinim, terim  
Nav malê de wekî hêsîr im”  
Mêr bi hersê nizanî çî bike  
Bi qehran di nav malê de tere, tê, dibeze, gav dike

Gor wî, jina xirab yê din re çixirê vedike  
 Bûyeran mezin dike  
 Qîza xeşîm çavên girtî vedike  
 Mêr li heştê adarê bêzar dibin  
 Dixwazin sa'et pir zû derbazbibin  
 Bi tarîya danê êvarê qîrînîya jinan tê birîn  
 Tevzîrîya camêrên polîtîk nayê dîtîn  
 Mileyên jin xwe bi dîroka jinan dipêçin  
 Ramûsandina mêrên egoîst  
 Wekî xizara ji hesin dihesibînin  
 Di bin hestên derew û qarlêş de namînin  
 Di heştê adarê de jin wekî hurîyên waran in  
 Bi piştên xûzik dayîk buyîniya xwe nîşan didin  
 Zaroyên ber singan jî di paşilên xwe de digerînin  
 Hin bi hêrsa salan ber teqandinê ne  
 Dixwazin koma mêran biqewitînin  
 Jin hilpekîn, hilkişîn  
 Mêr ditirsin, dibên; “ ew xwestvanên civata maderşahîne  
 Zêde nare rêveberîya me dihelişe, belav dibe”  
 Jin dixwaze bibe necar û malê gor xwe çêke  
 Mêr ketine çorozê, tik û tenê mane  
 Jina ciwan ji ya pîr re dibê  
 “Şerê wan neke, li cîh bihêle!”  
 Îro mêran aqil qelibandine  
 Demsala me nêzîk dibe  
 Xwestinên me, şimşata me ew gêj kirine  
 Seqem li wan teng bûne  
 Ramanên rîzyayî di canên wan de wekî axû ne  
 Qala me dikin, wekî din tiştêkî nakin  
 Mafdarî di dest wan de nîn e  
 Xwedî guman û bi dudilî ne



Ew ê ji xwe re tiştan hilçinin, daynin  
 Îro xwe wekî hespên birîndar dibînin  
 Nav hev de pevdiçin  
 Qeydeyên xwe, sincên xwe mejbûr in li cîh bihêlin  
 Ji quretîyê, kevnjenîyê dûr bimînin  
 Her ku em gav davên ew ji kumêtîtîyê dikevin  
 Aşît ketîye ser wan  
 Di nav kevanokê de man  
 Bûne cureyên deşt û mêrgan  
 Yêlxîyên zozanan berdan, tenê man  
 Drûşmeyên me serên wan şil nakin  
 Dibên jin har bûne, derketine kûçan, şerm nakin  
 Ji tiştên tal xwe re tengasîyan çêdikin”  
 Dixwazim bibêm  
 Bavino, apino, birano, pismamino, mêrino  
 Me nexwar  
 Gepên nan, tîkeyên qawirandî, serên şîr berdan nav  
 Lêvên we yên tirş û tal  
 Jinan pat, jinan keland we xwar  
 Dayîkan hûn xemilandin, me li xwe nekir  
 Dapîran tev de heq dan we, me deng nekir  
 Hûn qayîl bûn, em zevicîn  
 Mezinan xwestinên we bi dengên bilind ji we pirsîyan  
 Bi kêfxweşîyê hun bûn zava  
 Hemû derfet dane we  
 Em bûn sewîyên malên xwe  
 Mezinan rê dan we, me nexwend  
 Azadîya aborî bû heqê we  
 Hûn bûn berdevkên me  
 We gor xwestinên xwe nivîsand  
 Me belavok pişt kirin, belav kirin

Em bûn barkêş, hûn bûn xwedî karwan  
 Me nûbûnkirina dinê hîşt ji we re  
 We xwest, dilê we ket, em we re zewicandin  
 Me law anîn  
 We got; “ me zevîyên xwe rind ajotîne  
 Genim îsal pir çê ye  
 Berxên me nêr in”  
 Me qîz anîn  
 We got; “ dêlik teliqîya ya me mê ye! “  
 Em hev re şixulîn, mêr bûn xwedî  
 Hûn mirovên malê bûn, em qîzên xelkê  
 Her dem bi hestên bîyanîti  
 Hûn nêrin, azad in  
 Em mê ne, her yek serek pîvaz in  
 Ew azadîya çewt serê we bixwe  
 Em girtîyên we ne  
 Lê bi dengê bilind bibên  
 Hûn girtîyên kê ne?  
 Em darên mazîyê  
 Hûn sipîndara ber herxê  
 Her ku me qir dîkin  
 Em dizên, bin de şaxan didin  
 Le hûn  
 Bin barên giran de  
 Morîyên piştên we xwar dibin, difîrin  
 Pirsên cihanî bi çavên vekirî nabînin  
 Li ezman jî hîv û tav li hevûdu pir dûr namînin  
 Pirsgirêk ew e, em wekhevîyê nizanin  
 Bi nezanîya salan hevûdu diêşînin, dipelixînin  
 Ez heştê adarê pîroz nakim  
 Wê rojê jî mêran re xelat dikim

## Nikarım Derdê Tenêbûnê Bikişnim

Derê qonaxa me li dar a bîyê  
Dapîra serîreş nav da dibiriqê wekî hêlîyê  
Kes nizane ew çi dikişîne  
Şevên reş û tarî kîjan xewnan dîbîne  
Belavbûna torinan kezeba wê diqewirîne  
Bi serketina me serî bilind e  
Gaveke wê li bajêr e yek li gund e  
Di nav gundîyan de xwe zana dibîne  
Derdê giran, pir tenê maye  
Ez bêrîya deng û klamên wê dikim  
Lê digirim, wê re deng dikim,  
Min re dibê  
“ Keça min, ez tenê baş nakim  
Barê tenêmayînê nayê kişandin  
Gegan nikam nav malê gavkim  
Derdê bêkesîyê du xwe de kaş nakim  
Xwestin û hesreta we bi klaman deng dikim  
Hêlekê ve digirîm, hêlekî ve bangê xizirê kal dikim  
Derîyê bêderê koz nakim  
Çavên min li rê ne, rêwîyan çav dikim  
Nikarim ber malê bimalim  
Astar û caciman di xanî de rast kim  
Teselîya min ketîye, tenê me, kokim im”  
Ez pir dûr im, nikarim herim, verim  
Eza li koçberîyê dikanim çi bikim?  
Zaroktîya min tê bîra min, hesretê dikişnim  
Dapîra Zerikî xwe dihêjîne  
Şara ku li fesê sor pêçaye rast û çepê ve dikişîne  
Li oda ya mêvanan kirtikên darên gûzê dihêjmêre  
Bi hêrsê fîstanê rengtarî di ser kirasê sîs de li xwe dike  
Pilde pilda wê nasekine, stîya qonaxê nikare tenê bimîne

Dev nasekine şip, şip deng dike  
 Dixwaze bi xeyalên me şevên hûnik sibe bike  
 Kî dikare hember wê deng bike  
 Nizane bi kîjan hacetî kula dilê qelişîdax bike  
 Di gencîya xwe de bi bayê terî û derpeyê xwe  
 Toza nav malê radikir  
 Xanimê forsa mîrjinan belav dikir  
 Îro dibê; “ ez serî reşim, qutnîli xwe nakim  
 Enîya xwe de zer û zîvan pas nakim  
 Bi fîstan û kincên reş royên mayî derbaz dikim  
 Tiştêkî naxvazim  
 Ez ê sako û dîvîtinan çi bikim?  
 Sandîqa min tijî kakil e  
 Ka tu li cem min î ku miştêkê bigirim, pêşa te kim  
 Ez ê mewîj û gûzan li kê belav bikim  
 Ka zarok mane ku ji destên hev birevînin  
 Ez li dû wan sêr kim  
 Kurm ketine ardê li embarê  
 Nikarim xwe re hevruşkeke çê kim  
 Qey ez wekî berê me?  
 Dikanim refê mirîşk û culuxan xwedî bikim  
 Hêkekê nabînim ku bi rûnê malê tasek qeyxane çêkim  
 Anixê bikelînim, sar kim, vexim  
 Ez a di xanî de tenêmayî çi bikim?  
 Bi xeyalên zaroktî û azabîya we keviran dixemilînim  
 We tev da di nav malê de dibînim  
 Hûr, hûr dilorînim, tema me, teva bû me, bû me qax  
 Derdê xerîbîyê ez helandî me  
 Di nav koma cîranan de xwe tenê dibînim  
 Qîza min, min ew tenebûn heq nekir  
 Ez ê çi bibê m xelkê li me wa kir  
 Rastî, bes e, gotir nakim  
 Tarîketina êvarê, berê sibê

Hîva zerî û tava ku vedigere nav hûrikên xwe re  
 Qezî dikim, raber, raser digirim, destên xwe vedikim  
 Pêşta xelkê re, paşê me re xêr û xweşîyê dixwazim  
 Qey ew li me sû ketine, em gunebar in?  
 Nizanim, nizanim  
 Di qonaxa duderî de ava nahalê û çuqikên borik  
 Dengê min, qûrînîya min dîbihîzin  
 Tenê ew ji min re dibersivîn in  
 Şeyê didanfîrî ji destê min xij dibe dikeve  
 Nikarim berfa bi tozik bûmînim  
 Çavên gewrbûyî û qefilî, dora xwe jî nabînin  
 Şeveqê berîya cîranan ez hişyar dibim  
 Bayê kûr ji min re qeyde ye  
 Wekî dengê tembûrê dibihîzim  
 Heta sibê bi êşa şerpençê dinalim  
 Karê salan qorên min tevizandine, buldibim ku ji cî rabim  
 Çermê canê min qermiçîye  
 Derdê hesreta we rûvîyên min badane  
 Hindik, hindik, gav bi gav dê teva dikim  
 Digihêjim serî, ku bimirim mal de dimînim  
 Çûçik û mişk meyîtê min dibînin  
 Kes tune ku kefenekî bigire û bîne, wekî toreyên me, min helîne  
 Kî di dora min de maye ku canaşîye bide  
 Pagên nav gund xofê belav dikin  
 Nav odan de çukreşik hêlînan çêdikin  
 Dema ez ber wan de diborim  
 Dibêm qey kal û pîrên berê derve sêrdikin  
 Bêriya her tiştê berê dikim  
 Qîza min, nikarim li bajêr di malên teng de rûnim  
 Di nav bêna neftê de bimînim  
 Ez rindîya, rehetîya vî gundî li ku dibînim?  
 Ku bin sîya gûzê rûniştim  
 Xwe bextewar dihesibînim

Loma di neqeba Stenbol û gund de têm, terim  
 Heta ku zivistan dibore xwe dixum, bê hedurim  
 Ku gulan hat, min ku berê xwe da gund  
 Rastî, pir, pir şa dibim  
 Gund kulên xwe re wekî tizurikên germava Qanqalê dibînim  
 Şêst salên min li ber vî çîyayî derbaz bûn  
 Nikarim lê dûr bimînim, gîştî, himik, himik  
 Dar û ber, gom û axur min danîne, çêkirine  
 Nikarim bihêlim, dûr ve herim  
 Heta ku xweşim xwedîtîyê dikim, av didim  
 Darên rezî hişk nakim  
 Qîza min hesp bi yelxîyan  
 Çûçik bi refan, pez bi kerîyan  
 Teyr bi çêlikan hedura xwe tînin  
 Zindî, kal û pîr nikarin tenê bimînin  
 Qonaxa mezin û ez, em bêkes in  
 Ez ku derîyan venekim, ranebim, negerim  
 Em hev re zengê digirin  
 Di nav xweşîya vîgundîde bi derdê tenêbûne difetisin  
 Qîza min, qonaxa me wekî qutî ye  
 Îro cîrana me ya Qeşê şîv patîye  
 Para min daye Gulika xwe şandîye  
 Gotîye; “ pîrê tenê memîne  
 Dema xwarinê were tevî me be  
 Îşev zarokan re çîrokên berê bibê, cem me bimîne”  
 Min bêrîya kilora qatik kirîye  
 Zirfet, girik, pişurug, jajarûn, sîr  
 Qavut, qax, çîr, firoyê sîs, toraqa hêşin bûyî  
 Bîna wan nav sewaxa malê de maye  
 Heta ku xweş im nahêlim ev xanî bihelişin  
 Ji we gîştîyan re osa min ev e  
 Li mal û milkê xwe xwedî derkevin  
 Bila xêrnexwaz bi me nekenin

## Bifikire Ji Raman Netirse

Kekê min, xwişka min  
Ji raman metirsin  
Bifikirin , bifikirin ku  
Hûn bikanin pirsan bipirsin  
Xwe, civata xwe nasbikin  
Bi rêya xwe rexnekirinê  
Xeletîyan rastbikin  
Çalakîya ramana we ku pêşve neçe  
Rêberê dînî dikare cîyê we de biryar bigire  
Ew hebûna we distine, digire  
Tu ku xwedî biryar nebî  
Hebûna te jî pêşve naçe  
Keda te beradayî diçe  
Tu yê bibî lîstika olan, olvanan  
Ew ê bo te bibin biryarvan  
Bi wan biryarvanan ro digejin mehan  
Civatên ku polîtîk, aborî, çandî pêşve neçû ne  
Xadim û xulamtîya wê tebaqê re vekirî ne  
Ew bîrê ji kûrbûna gel re amade dikin  
Raman li ava bîran dikevin dibirqin  
Avên genî mejîyan de birînan vedikin  
Hêvîyan didin wendakirin  
Kesên ku bi rêya dîn jîyanên xwe didomînin  
Sibê heta êvarê sa'etan bi runiştina ser postan diborînin  
Ku ew civatê re bûn rêber  
Devê ji murîdan dernakeve xeber  
Bi xwestin nahêlin civat perwerde bibe  
Diyarîya wan gel re  
Feqîrî, nezani, belengazî  
Rêberê dîn tenê bo malbata xwe

Dewlemendî û kêfxweşîyê dixwaze  
 Qet mirinê nafikire  
 Hêla malê dinê ve dibeze  
 Ji heremên bin destên wan, mirov mîna mirîyan dijîn  
 Nimêj dikin, nîyazan dibêjin  
 Bawermend ji rêberên dîn napirsin  
 “ Xwedê li ku, kîjan demê  
 Hûn xwe re kirin alîkar” nabêjin  
 Belêngaz ji xezeba lawên xwedê ditirsin  
 Rêberên olî şuna mirovan de difikirin  
 Bo her tiştî ew gor berjewendîyên xwe biryar didin  
 Nav gel de kara wan ê herî mezin şelandin e  
 Tenê dizanin dîrûdan bixwînin ji gel bigirin  
 Kêmasîyên malan bixwazin  
 Ne elimîne dayîne  
 Gelek, gelek tema ne  
 Gune û spîyên xwe jî bê berdêlk nadin  
 Gelê me yê nezan bin barên tirsê de  
 Ji xişm û felaketê ditirsin, mejbûrê wan dibin  
 Rêber bo kûrbûn û kerbûna gel nimêj dikin  
 Radibin, rûdinin zikan fireh dikin  
 Nizanin şixul bikin  
 Gor berjewendîyên xwe biryaran derdixînin  
 Navê xwedê bikar tînin  
 Mirovan mejbûr û karkerê xwe dibînin  
 Herdem têr in  
 Tenê daneke nikarin bê xwarin bimînin  
 Perdeyan ber çavên gel datînin  
 Wan ji helimandinê dûr dixînin  
 Keda bawermendan dibe wardat  
 Zanîngehan de zarîyên rêberan dixwînin  
 Ew gor civatên vebûyî zana ne, her tiştin



Ji zanistîyê, ji zanînê ditirsin  
Şexis wekînv mirîyan dijîn  
Rêberên olî difikirin, biryar didin û dibêjin  
Kî dikare bikeve navbera xwedê û mirovan?  
Tenê rêberên şêlkar  
Keda gel dimijin  
Yên hişyar çevtî û xirabîyan dibînin  
Hember sîstema bawerîyê xwedîyê xurtîyê nînin  
Loma nikarin her tiştî vekirî bibêjin  
Ji encamên provaqasyonên rêberên dînî ditirsin  
Bawermend tenê guhdarvan in  
Hîn nebûne, pirsan napirsin  
Rêberên dînî dibêjin mezinê me tenê xwedê ye  
Dermanê jîyana bawermendan dest me de ne  
Merîno hûn dest û paşil tijî werin malên me  
Em ê melemên pirsgerêkan bidin we  
Kekê min, xwişka min  
Herdem rêber tîrên jahrîkirî dikişînin  
Ser ronahîya pêşveçûyîna me  
Kevn û qirşên xwe layiqê we dibînin  
Ji xewa sedsala pazdemîn rabin  
Xwedî biryar bin  
Ji kesên nezan, sextekar hêvîyan mekin  
Demên mêhdîyan zû ve borîn  
Bû çil sal ku xelk çûn serdana hîvê  
Çavên xwe vekin  
Li xeyalên vala sêrmekin  
Serên xwe ji xewa mirinê rakin  
Bila dilxwaz, zana dermanên xweşbûnê bidin  
We perwerdekin  
Belê, belê dagirker rêberên dînî jîr dikin  
Bi zanebûn kevneperestîyê re, rê vedikin

Pispor gor sosyalîzasyona civatê bernaman amade dikin  
Encamê de, berheman jî hev re nav uskirekê de dixwin  
Ramanan ditevizînin û kud dikin  
Dagirker û destên wan  
Rêveber paqijan ji civatê dûr dikin  
Navbera wan de neyartîye amade dikin  
Herdem yekîtîya netewî xirabedikin  
Bîr û bawerîya kurmancan ji hevûdu namîne  
Rêberê olî yê xizmetkarê xelkê  
Dawîya xebata xwe yê xirab dibîne  
Bi kêfxweşî ser text û postê nerm rûdine  
Çavkanîya jîyana rêberên xirab nezanbûna gel e  
Navê hinan şêx, hinan pîr, hinan seyîd, hinan mele

## Berjewendîxwaz

Hin polîtîkvanên me hene  
Hemû tiştan ji xwe re dixwazin  
Le bo heval û dostên xwe ne ewqasî dilxwazin  
Ew gor xwe aqilmendin  
Bo tengasîyan hevalên xwe pêş ve didin  
Hişyarin, ji bo rehetîya xwe paş ve dimînin  
Le belê tirsonekin rewşa wan tê fêhm kirin  
Pêwîst e gor xebata xwe zimanê bê hestî jî kin bigirin  
Çi heyfe, ne jinxwazin ne merxwazin  
Ew gor xwestinên xwe tekîlîyan Dixwazin  
Belê, belê polîtîkvanên zana û qenc  
Bo civatên pêşve neçûyî rêveberin  
Nakevin binî, ser bêjîngin  
Civata paşvemayîde  
Jiyan û şexsîyata kesên berpirsîyar gelek girîng e  
Yên ku rola xwe baş dilîzîn  
Dîrokê de navê wan dimîne  
Kurdên ku bi salane ji şoreşê dûrin  
Xwe li ser hemû rexistinên dibînin  
Xwedî birek û şûjînin  
Ku mikrofon ket dest wan  
Xwe mamoste dihesibînin  
Zehmetkêş dibêje û dike  
Bi rastîya xwe nav me de dibiriqê  
Nav polîtîkvanên kurmanc de nexweşîya herî mezin  
Rexne hez nekirin û xwe re xwestin e  
Egoîzm rexistinên xirab dike  
Dawîya armancan tîne  
Ew xirabî bi dehsalane ji nav me ranabe  
Navên mezin egoîstan têr nakin  
Li wardata xwe dixwin, xwe xilas dikin

Kemasîyên xwe nabînin  
 Li sedeman digerin ku yên li dora xwe sucdar bikin  
 Wekî bizina pelçem xwarî  
 Qaşikên daran jî rêş dikin  
 Soymeyên hişk bûyî ve xwe dizeliqînin  
 Serên xwe bi jor ve hildikişînin  
 Ji xwe bilindtir kesî nabînin  
 Nexweşîya navê dibiriqê, têkilîyan xirab dike  
 Berjewendîxwaz nikare herema xwe de bimîne  
 Dawîyê de bardike  
 Ji dest were hinên dora xwe dixeniqîne, hinan dardadike  
 Her ku navê kursîyên wan mezin dibe  
 Şexsîyeta wan biçûk dimîne  
 Tevêhevkar, ser xwe re kesî nabîne  
 Xwe re xwestin dawîyê de dibî eşkere  
 Gel rêveberên wer re dibên “ dê here teşqele”  
 Xwe hişyar dibînin, nayên ber kar  
 Piştî dilxwazan re dibin bar  
 Kî dikênî wan ji ser kursîyan bîne xwar  
 Dema rewş û hestên wan ê rastî ku tê gotin  
 Çavê gel de dibin wekî mar  
 Xwe re xwestina zêde ne hesteke dilpakij e  
 Şexsan dirizîne, dikuje  
 Nefsa biçûk, xwestina wekhevî  
 Mirovan mezin dike  
 Evîna evînan belav dike  
 Xwe re xwestin  
 Arteşeke xirab dike

## Tama Jina Malê Tirş e

Dapîran, kalikan  
Dê û bavan me re digotin  
Mêr mîrên malê ne  
Hukimdarê bermalê ne  
Jin stûn e, binyat e, alîkara axayê mal e  
Xwadiyê wan navan belengaz e  
Bin berpîrsîyarî û baran de dinale  
Civat e barê mêran pir girankirîye  
Îşligên pir tenik û teng li wan kirîye  
Mêr mîrê mal e  
Ku kar û wardatê peydaneke  
Tencika malê nakele  
Zarok ji ber jana zikê birçî dinale  
Dikên birçî  
Xwe nav hurîyan de dihesibînin  
Qîz û jinên kurmanc xwe re xizmetkar dibînin  
Pir zû ji ya malê têr dibin  
Dixwazin der ve xwe re têkilîyên vêşartîbibînin  
Bi îşmaran, filîskan xwestinên xwe nîşan didin  
Loma heta berbangê ji der ve dimînin  
Bo dem derbazkirinê li malê tişteki nabînin  
Bê moral, bê hedûr, dil tengin  
Jina malê her dem xwestinên mêr re amade  
Nikare bedena xwe jê biparêz e  
Bi dil û bê dil  
Hemû xwestinan re dibe razî  
Jiyana wê nav mal û zarokan de dom dike, dirize  
Mîrên me re pir xweş tê, tama rakêtina dizî  
Belê, belê  
Kurmanc behsa namûsê dikin  
Encama edet û toran

Gelek ji wan gor xwestinên xwe  
 Gor heskirinên xwe nazevicin  
 Nikarin evînên xwe hemêzkin  
 Loma berê xwe didin derve  
 Kortên zevîyan, neqebên deştan, taldeyên konan û newalan  
 Gor ciwatê xwestinên xirab û qedexe re  
 Malxwedîtîyê dikin vedişêrin, diparêzin  
 Hûn ku ji min dipirsin  
 Camêrên kurmanc belêngazin  
 Xwe bi şixul û berhemên doxinê eşkere dikin  
 Jina can, delal û seksî dixwazin  
 Çi camêr in, çi egît in  
 Kû hatin pêncî salî wan de hal namîne  
 Meyît in  
 Rastî tama jina malê tirş e  
 Ya yara veşartî hevrişk e  
 Hestên heskirina veşartî pir xweş e  
 Ya derve firîk e  
 Ya malê çêlik derxistine, mirîşk e  
 Çermê zik sist bûye  
 Lemlatan xwe berdane  
 Reşikên çavan paş ve çûne  
 Li leman rengên sor û spî nemane  
 Ferên bedenê wenda ne  
 Loma feqîr nayê ber çavan, di taldê de ne  
 Civat jinan re dibê  
 “ Hûn alîkarê mêran in  
 Hember zordarî û zilma mêran  
 Şînê bikin, bigirîn, binalin  
 Xwedê we bo xwedî zilaman ji parsûya adem amade kirin  
 Xwestinên mêran fêm kirin  
 Xwedê û resûlê xwedê jî mêt in  
 Bi edeb bisekinin

Ew ên ku ji jor ve li we dinêrin  
 Jin harin, gune barin  
 Mêran bi lîstikan dixapînin  
 Sêvan didin ji bihuştê derdixînin  
 Her tişt ji jinan tê  
 Belayê serê mêranîya me ne  
 Malên bê jin wekî xwarina bêxwê ye  
 Bi sed salane mêran barê piştên xwe avetine  
 Bi hemû giranîyên xwe ser pîlên me ne  
 Xwedê û resûlê wî neheqîyê dibînin  
 Hêla camêran de şunve girtine bê dengin  
 Jin bûne mehînen malan, xwedî xem in  
 Hatine xemilandin, bi zîn û zengîn  
 Tiştêk, rastîyek pir balkêş e  
 Resûl hemû mêr in  
 Dorbenda jîyana jinan ew xêz dikin  
 Mafan dibên, nextan dibirin  
 Sînoran amade dikin, emrê jinan dihêrin  
 Şêx û mela dibên adem ji hewayê pîroztir e, çêtir e  
 Jin nikare cîyê mêr bigire  
 Dema ku bu tengasî  
 Mer diqîrin: “Nalet li jinan were”  
 Hêla din ve dibên dayiktî pîrozî ye  
 Rewşek giranbaha ye  
 Rastî, nav olan de, dîrokê de durûtî heye  
 Ez dibêm ey hewa tu çiqas baqil, jîr û jêhatî bûyî  
 Te bavê mêran, adem xapand  
 Ew li dijî xwedê derket  
 Dev ji bihuştê ber de û du te ket  
 Ya rastî ew çîrok baqilîya te nîşan dide  
 Wê dewlemendîyê kes bi peran nade  
 Hember lîstikan de merî bi zanabûnê  
 Hişyarbûnê ser dikeve, kar dike

Wenda kirin, neçar mayîn xwedîyê dilê xirab har dike  
 Dibên te adem xapand, ji xwedê dûr kir  
 Ew bin tesîra te de ma  
 Wî hestên xwe wenda kir  
 Tiştêkî ecêbe  
 Merî ser dîrokê, mîtolojîyê xeber didin  
 Bo têkilîyên jin û mêran rastîyê nabêjin  
 Gor xwe û kara xwe çirokan peyda dikin û dibêjin  
 Waazan didin jinan  
 “Guhdar bin, pirsan mekin  
 Tiştên ku tên gotin qebûl û fihêtkin”  
 Pêwîst e jin jîyana xwe rexne bike  
 Xirabî û nebaşîyên ku bo wê hatinê amde kirin qebûl neke  
 Civatê nîqaşan re amade bike  
 Mêr rehetîya sed salan xirab nake  
 Ew jina ku ji parsûyên sêzdemîn hatîye amade kirin  
 Ez qebûl nakim  
 Ez ê wê çîroka derew  
 Bi amadekirina jîyanek azad û wekhevî ji holê rakim  
 Mêran bindestîya jinan re hêcet amadekirine  
 Jinan bê pirs rolên xwe qebûlkinê  
 Çewtîya xirab, ji xwedî rîyan bawer kirin e  
 Hukum dest mêran de ye  
 Pêwîst e jin bibê  
 “Ne canê min, ne jana min  
 Ne şîna min, ne hestên min  
 Ne şahîya min yên firotinê ye  
 Ne ya kirînê, ne jî ya kirîkirinê me”  
 Medya dest mêran de ye  
 Kîjan mêr?  
 Mêrên xwedî ramana qilêr  
 Medya bedena jinan dike sorxaca xwarinê  
 Rû, sing, şeq, tilor û zikên wan ji hev dike



Karmendan re yek bi yek bazar dike  
 Jinên ku bedena wan dikeve dest medyayê  
 Belê dewlemend dibin  
 Pereyên ku kardikin  
 Mejbûrin seba kêfxweşîya axayên xwe bidin  
 Hestên wan jî dibin yê karmendan  
 Bedenên wan hemû hev re tèn firotin  
 Dema adem ve ew rêçetê ajotin  
 Berê jî bazara jinan de mêran cîyê xwe digirtin  
 Bo jinên medyatîk ne hest, ne jî beden dimînin  
 Qîzên me yên bê mal û bê nan rastîya jîyana wan nabînin  
 Şeqên tazî, zerî û zîvên ser wan dibînin  
 Bi hesreta jîyana xweş cigaran dikişînin  
 Bala wan dikişîne şan û şuhreta singên tazî  
 Dibên belê belê piştta vekirî  
 Bi dewlemendîyê ve dibeze  
 Nizanin ku xwedîyên wan bedenên mazî  
 Ji pelişandina karmend û qeşmeran re dibin razî  
 Têkilîyên bi derewan avabibin  
 Pir zû xerabi dibin  
 Qîza nav malê û girtî  
 Sêrî televîzyonê dike û bi xeyalên dora xwe dixemilîne  
 Hêwîya mîrzayê hespa spî maye  
 Teba nabî, ciwantî ye  
 Bi xeyalan tamê digire, stî ye  
 Rastîya paş kamêran nizane, nabîne  
 Tenê bi awê xwe ye li ber têlevîzyonê  
 Ê çav bel kirina wî dibîne  
 Rewşa bavê bala wê dikişîne  
 Çav birçîbûna wî ya cinsîtî ferq dike  
 Dengê kûr, kûr hesret kişandina wî fêr dike  
 Hêla din ve kalê heftê salî li ser mîndera reş rûniştîye  
 Xwe dilerizîne, tilîyên xwe dikişîne, reşikan dibiriqîne

Çavên gewr bûyî hêlên din ve naçerixîne  
 Bi aktorên ve yek dijî  
 Dengê dêrî, wî li ser cacimê vediciniqîne  
 Bila bavê temaşevanê, diltêr bî  
 Kalik bêrîya bîst salîya xwe dike  
 Dixwaze bê kopal ji erdê rabe  
 Dibêje; “ Lo, lo qey yên me jî jin bûn, jin in?  
 Sêrî yên xelkê bikin  
 Têr xwarîne, xwe alistîne wekî noginin”  
 Ber çavên bavê wê dîya wê ku dapîrik e  
 Bi kincên pîne kirî, bi bîna xûdanê nav xanî de digerî  
 Mîna berê şevlê nade, sist bûye, tam sarik e  
 Jina malê tirş bûye  
 Ramana mêr û revşa xwe fêhm dike  
 Bin barê toran de ew ê çi bike?  
 Naxwaze dengê devjenîye li dorê bilav ke  
 “ Ketim, mêrê min bi min qayîl nabî  
 Dema min dibîne madê wî xira dibe  
 Xwe dide nebîstinê, berê xwe vedigerîne  
 Her hêlê ve ji min dûr dimîne  
 Zarokên xwe didim dor û ber singê xwe  
 Kes şuna kesî nagire  
 Rihê tenê mayî bi evîna wan têr nabe’  
 Xebera wî ji wî tune  
 Sing de mûyê spî hêdî, hêdî cîh digire  
 Nîşana kalbûnê dikolîne  
 Ew xwe wekî siwarê hespê kihêl dibîne”

## Bê Arî û Malbat

Jina nezan û bê ar  
Mêr ji hespê tînê xwar  
Li kerê dike siwar  
Binê lingan nal dike  
Dûr ve hay, hay dike  
Bi dengê tamsar dûrve bang dike  
“ Tu camêrê malê  
Xwadiye bermalê  
Mertegê li merxê  
Ji kû tînî, bîne, çi dikî bike  
Terî kû here, vegere  
Bajar û gund  
Nêzîk û dur li dora xwe bigere  
Bişixwûle, kar bike bîne  
Westandina te, xemgîrîya te ji min re xem nîne”  
Malên wer de evîndarî tune  
Têkilî bê tam e, bê tîn e  
Jin bê şerm û bê ar be  
Mêrê reben ji xwe şermke û stû xwar be  
Zarokê ku wê malê de mezin dibe  
Bê perwerde dimîne  
Navê vî halî rewşa kom û kulfet e  
Dibên kom û kulfet binyata civatan e  
Ku komî û kulfetî de wekhêvî, hevûdu parastin  
Zimanê şîrîn, aştî, heskirin tunebe  
Tenê li ser berjewendîyê û qeşmerîyê avabe  
Bila ew kom ji binî ve xirab be  
Ez nayêşîm, dilê min qet namîne  
Ew helişandin ji min re nabe xemgînî  
Tiştên ku têkiliyê didin domkirin  
Ji hev bawerî, rêz û heskirinê

Ku navbera du kesên de ew hest tunebin  
 Ew najîn, jîyan wekî mirine  
 Têkilîyeke bo xwe re xwestine  
 Seba hesabên biçûk avabe  
 Wekî mala bê hîm pir zû xira dibe  
 Ya rastî ez nikarim bê evîn bijîm, bimînim  
 Loma xwestin û hestên xwe gelek vekirî dibêjim  
 Hêla pir kesan ve nayê fêm kirin  
 Bi raman û eşkeretîya wxe ve tenê dimînim  
 Durûtîyê, tevzîrîyê, hesnakim, qet naporêzim  
 Ji sextetîyê dûr diskinim, bi rastîyê ve dizeliqim  
 Têkilîyê de qelptî, nejidilî hebe  
 Qedr û qîmet û heskirin tunebe  
 Zarokê pênc salî sarbûna nav malê fêm dike  
 Mêrê mala bê heskirin  
 Bi şevên bêxew, mehan derbaz dike  
 Jina ziman xençer, kes naxwaze  
 Cîrantîyê re jî qet qebûl nake  
 Ew ji mêr re dibê:  
 “Nesekine, neqefile, bêhna xwe veneke  
 Bişuxule-bike, bişuxule bike”  
 Xwe neyêşînî varyata malê zêde nabe!  
 Ser keda wê rûdine jîyana xwe dom dike

## Penaberî

Ji dê û bavan re banga min ev e  
Pizêzan nedin ber singên xwe  
Zarokan daneynin paş stûyên xwe  
Tûrikan negirin destên xwe  
Dûrmekevin ji gund û bajarên me  
Bi gotin û xwestinên xelkê mebin penaber  
Yên ku ten rêyên zehmet û dirêj de dimînin bêhal û bêfer  
Naxwazim zarok bibin koçber  
Ew li çîya û deştan binêrin bi çavên hesret û keder  
Dixwazin nav baxçe û kolanên xwe de bilîzin, bazbidin  
Yên xwedî hest rojek welat bi sed rojên penaberîyê nadin  
Yên ku dikişînin giranîya wî derdî dizanin  
Malên bîyanîyan de bi mêvantîyê roj derbaz nabin  
Tav tune, bin mijê de dem nabore  
Xelk xwedîyê  
Bostek erdê me tune ku  
Zarok singê xwe bidin tirêjan û li ser piştê ramedin  
Zarokên van welatan jî mîna mezinên xwe ne  
Bîyanîtiya me tînin bîra me  
Koçberîya me didin rûyê me  
Tasa ava sar ser me de dikin  
Xwe bilind dibînin  
Hevaltîya berxên me nakin  
Wan re nalîzin, cudatîya xwe eşkere dikin  
Zarokin gor ramanên, gotinên mezinên xwe hewl didin  
Naxwazin bîyanî bi mevantî jî li welatê wan bimînin  
Silav nadin, nakenin, dûr diskinin, pir sarin  
Helvestên xwe venaşêrin  
Hemvelatîyên vî welatî me re dibên  
“ Hun bîyanî ne, armanc û xwestina we çi ye?

Hatin çi, li vira gihîştin çi, li çi digerin?  
 Li zêr û zîvan megerin  
 Me kar kir, me tengasî kişandin  
 Dawîyê de welatê xwe dewlemend kir  
 Herin, li welatê xwe erdê vedin, bikolin  
 Li vira tiştên mîstîk megerin  
 Me çi wendakirîye ku hunê bibînin  
 Beredayî li hêvîya jîyana xweş nemînin”  
 Ya rastî dil jî êşa dil me jîtişteke nedît  
 Yên me yên ku zanîngeh xwandine  
 Li vira bûne paqijvan  
 Dixebitin, dixebitin  
 Bijîşk û endazyarên me mîna maraban e  
 Teslîm bûne  
 Serên xwe ber xwe de berdidin bo gepek nan  
 Xwendekar in, gundî ne, karker in bê moral, stûxwar in  
 Xetên wan dest wan de  
 Tilîyên wan dilerizin  
 Bi lemên rengên gula zer  
 Bo şixul derî, bi derîdigerin  
 Zimanan nizanin xelkê re dibin kenok  
 Hewl didin, xeber didin bê hevok  
 Nav vê rewşê de dijîn  
 Hin dibêjin; “tişteke me nema, em nikarin herin  
 Yên li welat man bi me dikenin  
 Em ê çawa, bi çi rûyî vegerin?”  
 Ew bê armanc, bi çavên vala li kolanan digerin  
 Wekî mirîyên ser pîyan in  
 Sifetên zerbûyî nexweşîyan re amade ne  
 Quretîya kurmancan ber derê xelkê nabore  
 Sarbûn û dûrbûna hemwelatîyên van deran  
 Xeyalên jîyana bihuştê wekî kêrê dibire

Kurmancan çiqas bixebitînin wan re kar e  
 Ku hêrs ketin dibên  
 “Karê ber de û here  
 Rê bibîne şunve wegere  
 Bê şixul, bê berhem ji sibê heta êvarê vala negere  
 Ew welat me bi keda xwe dewlemend kirîye  
 Rehetî û kêfxweşî ji bo bîyanîyan amade nekirîye”  
 Nivîskar, helbestwan bûne qirşvan  
 Tixtor û muhendîs bûne şîrvan  
 Şuna buroyan de dibin rûniştvanên  
 Xebatkarên axur û goman  
 Banga sibê de radibin  
 Heta dora êvarê rêxê davên, qilerê paqij dikin  
 Turên nav bîna xirab de radikin  
 Bar dikin, li hevûdu didin  
 Kenê bîrkirine û bê madin  
 Nikarin bêran ji erdê bilind bikin  
 Morîyên piştên xwe xirab dikin  
 Ya rastî ew kar ku li ser zevî û milkên xwe bikirina  
 Her mêrekî bi rehetî du-sê mal xwedîkirina  
 Quretîya Swîsîyan, Swîsîyan re dima  
 Kurmanc ku bibên em ji bin destên hovan derketin  
 Li van welatan jî, topên gotinên giran li me ketin  
 Li her derê em bê qîmet in  
 Mafên mirovatîyê ku navnetewî mafên kê ne?  
 Qanunên ku ewropî amade dikin  
 Dawîyê de bo ewropîyan e  
 Ew pir zû hêrs dikevin  
 Bi rûyên sar, tîrên biçûkdîtîna me davejin  
 Xwestinên xwe yek û yek dibêjin  
 “ Qey me sêvên sor şandin du we  
 Hun hatin vira bê xeber û bê xwestina me

Em ku çawa dixwazin , hunê wer bijîn  
 Bîyanî, maf û sînorê xwe bizane  
 Ewropî hişyar e, xwedîceribandin e, ne ku nezan e  
 Em ê karên xirab, barên giran li pişta we kin  
 Qamçîyên ji çerman destên xwe de amade kin  
 We ji dilxweşî û jîyana vira sar kin  
 Kes bihuştên xwe nade kesî  
 Em çima bê sedem we xwedî maf kin?  
 Welatê azad gor xwestin û pêşveçûyina civatê amade dibe  
 Mezinên me ewropîyan bo karên xwe welatê we dabeşkirine  
 Yekîtiyên we xirab kirine  
 Çavkanîyên dugel bûyîne şewitandine, korkirine  
 Dewlemendiya we dizîn û li trenên reş siwar kirin  
 Nav wagonan de cewahîran wekî xwelîya reş xuya dikirin  
 Mezinên we armancên mezinên me fêhm nedikirin  
 Çanda me ev e  
 Em ser ax û bin axa gelên pêşve neçûyî  
bê pirs digirin û tînin
 Dinê wekî malê xwe dihesibînin û dibînin  
 Jahriya karxanan, xwarina dem borî û kevnê xwe navêjin  
 Ser navê alîkarîya mirovatîyê gelên bindest re diyarî dikin  
 Qirş û qalên xwe didinê “  
 Gotinên xwe bi dawî dikin  
 Bi gavên hêrs ji odê derdikevin  
 Ber deriyên ser nivîs de badikevin  
 Belê gelê mino belê, rastîya koçberîyê ev e  
 Li vira têkilî û xwarin bê tam e  
 Yên ku bi çanda welat mezinbûne  
 Li wan welatan nav giloverekî de man e  
 Çav girtîne, dil şewitîne û gevez didin  
 Bê têkilî, bê cîran, bê dost û yar in  
 Nikarin xwe biparêzin



Bersîvên neheqan bidin  
 Bê rih û pir zêde tenê ne  
 Li dora xwe dizivirin disekinin  
 Her tiştî ji bo xwe wekî dijmin û kemîn dihesibînin  
 Nahêlin zarok firsendan bi kar bînin  
 Gor pêvistîyan nexwendine  
 Dê û bav nezandin  
 Firsend nedîne, perwerde nebûne  
 Ev ê çawa ramanên rojane qebûl bikin  
 Tiştên demê bizandin  
 Loma li ber helimandinê jî çeperin  
 Hêcet amade ne  
 Dibêjin; “ em zarokên xwe û çanda xwe diparêzin”  
 Mezin bi xeberên giran, pêşîya pêşveçûyîna  
 Şexsîyet bûyîn û vebûna zarokan digirin  
 Guhertinan qebûl nakin  
 Dawîyê de dikevin hemêza nexweşîyan, bê dem dimirin  
 Yê ku civata kurd bi nêzîkayî nas dike  
 Rewşa penaberan pir rind fêhm dike  
 Dipirse, dipirse, her pirsan zêde dike  
 Bi êşa serîli dora xwe diçerixe  
 Dixwaze çareserîyê re rê veke  
 Nikarî encamên travmatîkên ku  
 Bi koçberîyê ve zeliqîne xweş bike  
 Pirsgirêkan ji holê rake  
 Heta ku penaberî hebe ev bîrin dijî  
 Gir dibî û xew de naçe  
 Êş, jan, xwînbûn, girî û li xwe xistin domdike  
 Koçberî caran tenê feqîrîyê ji holê radike  
 Hin pirsgirêkan hel dike  
 Hinên din re jî binyatê çêdike

## Rêhevalo!

Delalê ber dilê min o  
Nav baxçeyê bîyanîyan de stû xwar o  
Ro nedî, bê welat bê var o  
Min digo ez ê dilê xwe vebikim  
Te re textê zêrin çêbikim  
Tu berçema xwe şeke  
Ez ê hember te rûnim û sêr bikim  
Çipilên evîndarîyê şîn bikim  
Li ezeban belav kim  
Bi kêfîyê dora serê xwe bikim  
Tu şerbeta jîyanê vexwe ez ê tijîkim  
Ji şahîyê destan henekim  
Ez nizanîm min çikir, çima min ro nedî  
Ji nozdehsalîya min vir ve dinê li min bû tarî  
Ez a birîndar ez a xwelî xwarî  
Ji êşa dile min çavên min de ewr dibare  
Min xweşî hêvî dikir, dîyarî hat bi neyarî  
Ser tirba te kulîlkan deynim  
Nizanîm kîjan çînikan çêkim  
Lo lo ez nikarim, te bînakim  
Rabe delalê ber dilê min rabe  
Jîyana min bê te nab e  
Şev naborin xew xirab e  
Min re ewrên histêran hatin  
Ciwane min, yên ku rindîya te dibûn  
Li ber te ketin, ne tenê dost û yar  
Bîyanîyên bihîstî ji cîhên dur ve hatin  
Ez ê çi bibêjim, ji dora xwe tamê nagirim  
Dixwazim dengê te bibîhîzim  
Bîna xûdana te bigirim

Nav malê de bi xeyala te digerim  
Sîyan wek bejna te dibînim  
Nizanim, çima evîndar hev re namirin  
Candan ku bi hev re bî, ji janê xelas dibin  
Yek ku mir, yek ku ma  
Nav wan malan de  
Dûmanên şîn û xemgîrîyê bilind dibin  
Tama li dinê mayîne namîne  
Yê serpêhatî, yê kişandî jana dil dibîne  
Zêde dom nake  
Du te re ez jî tîm  
Bi vî derdî xweş namînim  
Berdêlê evîniya te, pir zû dimirim  
Kud bûme  
Ji êşê nikarim rabim  
Bi kula te dinalim  
Ez ê bi çî, kîjan dermanan devên wan birînan bigirim  
Îcrana doran pakij kim û bimalim  
Li dora xwe destgirtîyan dibînim  
Naxwazim li ber dêrî bimînim  
Rojên bê te ranagirim, xwedî şîn îm  
Nav malê de nikarim tenê bimînim  
Dibêm qey hinan gevrîya min girtine  
Dixwazin min bifetisînin  
Şevên dirêj bi xeyalên te dixemilînim  
Ji êşa dil nikarim cilan de ramedim  
Nikarim bigirîm û bilorînim  
Kurmanco ez dil ketîme  
Dilê min bi te ve ye  
Ji kerba te, ji bo min xweşî, rindî nemaye  
Dil ketî, heskirî rewşa min fêm dikin  
Nikarin agirê dilê min belavkin

Pêwîst e mejîyê min dax kin  
 De ez ê çibikim, çavikên çavan te bîrnakin  
 Mirovên min dixwazin min ji te dûr kin  
 Koça xerîbîyê bê xeber bar kin  
 Min ro nedîyê li tirba te mêvan nekin  
 Şewata masulkan sar kin  
 Bo min tu bûbûyî tava ji zêr, te dida ronahî û tîn  
 Bi te dihat min re bihar û havîn  
 Xem nebû heta dora sibê raneketin û bê xew mayin  
 Qey kî dikanê cîyê te bigire  
 Ew ê evîna te bi evîndarîya te bimîne  
 Quncikê dilê min heta mirine vekirîye  
 Te bi rast hevaltîya xwe berîya salan kirê kirîye  
 Bi mezintîya heskirina te koz kirîye  
 Saļ jî derbaz bin agir natemire  
 Çipila ku te bi heskirinê av daye gir û jîndar dibe  
 Evîna yekemîn her dijî, nemire  
 Kî dikare li ber textê teyê cîh girtî bibore  
 Zexmîya herî mezin jî nikare lingan bilerizîne  
 Seba mêvantî û derbazbûyînê jî be  
 Kîjan bê bav dikare xwe re rê bibîne  
 Derîyê qesrê koz kirîye, venabe  
 Wer jî dimîne  
 Kes nikare belavoka hundir de dardakirî, bixwîne  
 Nayê dîtin, veşartî û bi mor e  
 Çima tiştên ku te re yek jîyam, min re hevaltîyê nekin?  
 Ew ku biryarên xwe bidin  
 Bixwazin xwe ji min dûr kin, ez amade nînim  
 Bi xwestina xwe wan terk nakim  
 Dixwazim heta mirinê ev min hemêz kin  
 Wan li canê xwe bipêçim  
 Bila bîranin dilê cemidî germ kin

## Cazûtiya Wer Hezar Carî Qebûl e

Sedsala pazdemîn heta sedsala heftemîn  
Sedsalên tarîyê bûn  
Rêveber û mezinên demê  
Hezeran kes bi wî navî sucdar kiribûn  
Wan kesan nav pêtên agir de can dabûn  
Hûn ku dibêjin li kû?  
Gor hinan li dergûşa şarezayîyê  
Qirkirinek mezin bû di nav ewropîyan  
Hin kes bûbûn neçîrvanên cazûyan  
Tarîya şevê de diketin rêçan  
Didan du wan  
Sucên wan kesan çi bû?  
Gor rastî nedîtîyan, raketîyan hişyar bûn  
Rêveberan digotin wan û xêrnexwazan peymankirin  
Her şevê li havlêka xwe yê dar siwar dibin  
Nav tarîyê de xwe hildikişînin, wenda dibin  
Ji ramanên wan kesên hişyar ditirsîyan  
Bo ji holê rakirina wan  
Ji yê dora xwe dîtîyan dipirsîyan  
Gor xwestinên xwe  
Ew kes bi tiştên bê binyat sucdar kirin  
Rastîya gotinan tunebû  
Loma turik û kuzê derewan vedikirin  
Nezanan jî li rêveberan bawer dikirin  
Xwedî berjewendîyan bi neyartîya bîaqilan  
Û hişyaran bûhtan amade kirin  
Govan jî peyda kirin  
Gorîyên zilmê bin dara zilmê de bang dikirin  
Ber jana bedenên xwe mirin qebûl dikirin

Her ku dar, kayîş û hesin li bedenên wan diketin  
 Birînên dev qelîşî vedikirin  
 Gorî dikirin bûhtanîyên hevûdu  
 Bi xwe xirab bûn  
 Navê gorîyan di devên xwe de dicûyan  
 Bi xwe hevok digotin  
 Ê bi yên bin darê zorê de, didan qebûl kirin  
 Navên ku dihatin gotin yên kê bûn?  
 Ew kesên ku bi ramanên xwe hember şaxan bûn  
 Çima ew kes dahatin kuştin?  
 Dem hati bû guhertin  
 Textê feodalan dihejîya  
 Toximê berpîrsîyarvanên netewî hatibû ajotin  
 Dem dema gihîştina ramanan bû  
 Rêveberên dêran ketibûn tîrsa wendakirina endaman  
 Li çareserîyan digerîyan  
 Digotin ku ; “ bawerîya gel bilerize  
 Ew ê kanîya jîyana me xirab bibe”  
 Keşîş bi hêrsê rabûn  
 Dema çareserî dîtin pir şabûn  
 Yên xwedî dîtinên cuda gorî bûn  
 Hişyar nezanan re kirin nîşan  
 Yên baqil hember ve lîstikê pir giran diêşîyan  
 Civatê de têkilhêvîyê ji zû ve destpêkiri bû  
 Dem dihate guhertin  
 Tazîmayîn, xelayî her diçû zêde û belav dibûn  
 Loma serhildan her tim çêdibûn  
 Xwe nîşandvan bi qîr û hêrs dimeşîyan  
 Hember terbûna rêveberan birçîbûna xwe dianîn ziman  
 Tîrs ketibû dilê civata rûhanîyan  
 Têkilhêvi û birçîbûnê



Serê xwe li ber wan ditewandin  
 Bi minetî, bi hurmet rê vedikirin  
 Bo aramîya wan şer dikirin  
 Xwedîyên qesran digotin  
     “ji şerê cazûyan hunê me biparêzin  
 Qey cazû bi kuştinê xilasnabin?  
 Her diçin zêde dibin  
 Dermanên ku civakê xirab dikin bi destên wan peyda dibin?  
 Gelek spas, me neyar naskirin  
 Xeletî rast kirin”  
 Rewşek ewqas xirab bû ku  
 Merî har û dîn bûbûn  
 Hedî hedî hînê bîna goştê şewitîbûn  
 Xof ketibû dilan  
 Jin û mêran hevûdu suçdar dikirin  
 Nezanan bo şewitandina rêzanan dar dikişandin  
 Temaşevanên mirinê hev re cîh vedikirin  
 Qîrînîya gorîyan digihêşt ezman  
 Ew hêdî hêdî bi pêtên agir bê deng diman  
 Cinawirên herî mezin kesên nezanan  
 Yên bi aqil û lîstik, wan dixebtînin, dixapînin  
 Nav mêydanên herî de dilîzînin  
 Cîranan ji hevûdu guman dikirin  
 Dêr û şahan yekbûna birçî û belêngazan rakirin  
 Ewrên tirsê nav gel de belavkirin  
 Serketîbûn  
 Nezan bi dêr û şahan re bi dil hatin girêdan  
 Hevsarê giredanê kirin stûyên wan  
 Sed sal bi wê rewşa xirabe ve borî  
 Danîbûn cem hev hezaran mirî  
 Devletên netew ava bûn



Karxane û şixul peyda bûn  
 Sal borîn  
 Paşê mirovan gotin, ku ji qirkirina hezaran  
 Rûhanî û şah berpîrsîyar bûn  
 Berpîrsîyarên tarîya me kî ne?  
 Ez dibêm vê sedsalê jî, me re anî tarî  
 Heta naha em mane bêyekbûn û bêronahî  
 Loma dagirker nav bajarê Sê'êrtê de navê cazûyan dixwînin  
 Belavokan belav dîkin  
 Ez serê govendê de me  
 Dixwazin min bi ramana min ve bişewitînin  
 Le belêngaz, hişyarbûna gel nabînin  
 Îro ne dema sedsala pazdemîn e  
 Yekî hember dijminên gelan radibin netenê ne  
 Serleşker navên bijartî dixwîne  
 Cîgirê xwe re dibê  
 “Xwesteka min pêk bîne”  
 Ya rast navekî li min ve kirine, ku min dikenîne  
 Li min xweş tê  
 Jinên jêhatî, baqil, kêrî xwe tînin dijmin re dibin nîşan  
 Li vî bajarê hêrs, harbûn û neyartîya xwîn xwaran  
 Gelek bala min kişand  
 Têlêfonan vedîkin  
 Dest bi xeberên giran, dijûnan dîkin  
 Levzên ku ji devên wan derdikevin  
 Siviktîya, neçarbûna wan nîşan didin  
 Serleşker hember serketina min pir bi hêrs dikeve  
 Nikare kursîya xwe de rûne  
 Yekbûna min û gel pir vekirî dibîne  
 Welatparêz, hember êrîşên xwîn xwaran min diparêzin  
 Ji hêrsê û neçarîyê destên serleşker dilerizin

Belê belê serleşkero tu navê min bikî çî jî  
 “Elewîya qilêr, jina xirab, bê namûs, qehpe, qaltax”  
 Gel min pir baş nasdike  
 Zelalbûna min, paqijbûna min, şerefa min û xwestinên min  
 Dizane û fêr dîke  
 Ez qehpik bûma, ez ê biketima du mêran  
 Çi kara min hebû, li çî digerîyam?  
 Çima dimam navênda şer de, li herêma Botan  
 Gundî û koçer îro ji cazûtîye bawer nakin  
 Tiştên ku di derbarê min de hûn dibêjin  
 Wan re wekî kenok in, çîrok in  
 Sîxurên we herdem du min de tên  
 Didin pey min  
 Kurmanc we dibînin û dibên  
 “Ew ji te çî dixwazin? Ew kî ne, çî ne?  
 Çî mêrên qirase ne?”  
 Ez dibêm, serleşker; çavên xwe yê kor veke  
 Guhertin û pêşveçûyina gel bibîne  
 Hun êrîşê ser kom û kulfetan dîkin  
 Nav malan de bi zîvan, bi xirabî behsa min dîkin  
 Bi gotinên xwe yên xirab  
 Nezanan jî hember xwe radîkin  
 Bi hovîtiya xwe nav me de evîndariyê çêdîkin  
 Domkin, domkin, dora min firehtir bikin  
 Ez difikirim  
 Dibêm xweş e, pir xweş e  
 Ez armanca xwe de serketî me ku  
 Dijmin bûye wekî gurên har  
 Êrîşê ser min dîke. nikare hêrsa xwe xefke  
 Pêwîst e ez zêdetir jîr bibim  
 Rêya xwe de dom bikim

Nezanîyê, xeletîyê nekim  
 Bo geştina ronahîya ronahîyê  
 Mejîyên kifîk girtî dermankim  
 Ez ê dombikim  
 Helbestên kêfxweşîyê, ronahîyê binivîsînîm, belavkim  
 Nav gelê xwe de me  
 Pir dilxweş im  
 Pêşveçûyîna, vebûna mirovan  
 Hêja bûna wan dibînîm  
 Dijminê har;  
 Bin tîrsa mirinê de qet namînîm  
 Min jîyana xwe bi zanebûn ji gelê xwe re kirîye dîyarî  
 Cazûyên îro mîna berîya çarsed salî nîn in  
 Ez gorî gelê xwe dibim  
 Jîyana zarokekî bi mîlyarên we nadim  
 Min xwe bi her tiştê xwe ve gelê xwe re kirîyê xadim  
 Hun nikarin bertîl û hefsaran bikin stûyê min û badin  
 Wan pirtûkên meri standinê dadin  
 Bertîlên xwe yê giranbaha  
 Yê bê hest, bê şeref û raman firoşan re bidin  
 Min û mirovên hêja rehet bihêlin  
 Bo min jîyana rojek azad, bedelî sedsalan e  
 Îro cazûyên ku xwe perwerdekirine nav gel de ne  
 Neyarên nezantî û zanîne re mamoste ne  
 Loma neyar wekî berê sernakevin  
 Nav pîsîtiya xwe de mane  
 Bi çavên kûştinê sêra min dikin  
 Girizên devên wan ser çenikên wan de diherikin  
 Yê wekî min rihên xwe teslîm nakin  
 Bo jîyanek rojanê hertiştî feda dikin  
 Ku pêwîstî hebe bî kefenan, bi xwe didirûn û lixwe dikin

## Ez Jina Welatê Janê Me

Welatê min bihuşteke e  
Ez jî kurmanc im  
Kêfxweşî, rehetî  
Ew hest ji min pir dûr in  
Ez bi êşan, ez bi janan re zeliqîme  
- Tengasîya dil bûye rêhevalê min  
Hemêzkerê min e  
Belê belê ez û jan em hev re dijîn  
Ecêb jîyanên bê êş, bê jan çawa ne?  
Ji beredayîtiya mezinên me  
Ji me dûr mane  
Rûyên xwe vegerandine, qarîne, suketine  
Loma rojên welatê me bê tamine  
Têkilî bê tîn mane  
Gengaz nine  
Tu li vê axê nikarî xweşiyê peyda bikî, bibînî  
Ku hêstên te xurt bin  
Ji tilikê serî bigire  
Heta serê neynigê lingan  
Heskirina li dil da şun kolayî  
Te hêla gel ve dikişîne  
Rastîyan pir vekirî, net dibîne  
Nav êşê de dimîne  
Şîn û şahî tevliheve  
Rastîya me ev e  
Ku zêde bifikirî, bihêstên evîniyê tijî bî  
Mîna darên din, di meha adarê de, ava erdê nakişîne  
Hêşîn nabe, gulîyan nade  
Havînê bê fêkî, mîna hejikekî dimîne

Erd jî te berdide, naporêze  
Kesek, tiştek ji te feyde nabîne  
Qîzek, lawek li bin sîya te rûnane  
Bê cane, payîzê pelan naweşîne  
Ji hêrsê, ji bê hêvîtîyê wekî darê hişk bûye  
Nav daristaneke de tenê dimîne  
Ber bageran nikare xwe biparêze  
Bayê herî sivik te bi rîçîkan ve radike  
Dide ber xwe, dûr ve davêje  
Ez dijîm  
Belê jan li pêşîya min  
Li hespekî kihêl siwar bûye  
Ew xwelîya ku em li ser hatinê dinê  
Evîn lê qedexe ye  
Evîndarî û jan hevûdu hemêzdikin  
Wekî ax û av in  
Hev re ne, hev du bernadin  
Em hînbûne vê jîyanê  
Jîyana bê jan li me ecêb û bîyanî tê  
Dengê ken li tayên hember  
Li me pir dûr sekinî ne  
Em endamên welatê janê ne  
Kal û pîran bi baran deynên xwe me re hiştine  
Nifşên sed sala bîstan li ser malê mîrate rûniştine  
Heta ku ev deyn teva nebe  
Kurmancên xwedî hesyet ji berpirsîyarîyê xilas nabe  
Ji xemgirîyê xilasbûn nîne  
Em ku kar nekin ew ê ev deyn  
Di stûyên zarokên me de ji dê bimîne

## Çilûneh Kevok Bûn

Bi xwe bawerî biryar dan, derketin  
Bo rizgarî û wekhevîyê gav avêtin  
Birîndarî, dîlketin û mirin nedihat ber çavên wan  
Wekî hûlîyan li zinaran text vedan  
Li neqeban kon danîn  
Şev û ro  
Berf û baran  
Deşt û zozan  
Şikeft û newal... digerîyan, dibezîyan  
Welat parastin, gel parastin  
Hinên wan ji ber encamên şertan nexweş ketibûn  
Jar bûbûn, bê qam û bê qudûm bûn  
Gelek caran jî pevçûn, lihevexistin çêbûbûn  
Nav golên xwînê de mabûn  
Hinan çeng, hinan çav dabûn  
Hin nav avên çeman de ji xeniqandinê xilasbûbûn  
Av û gêya wan re bûbûn derman  
Erd û ezman bûbûn cîh  
Bi birînên giran  
Kûr û kûr dinalîyan  
Digotin hey hevalno  
Hey hevalno  
Hey Kurdistan bûka delal  
Şîrê singê te me re dibe derman  
Dixwestin birînên wan xweşbin  
Bigêhêjin refên teyrên azad  
Xweşan nexweş birin nexweşxana Hewlêr  
Birînên wan derman kirin  
Kevokan di nav cîyan de roj dihêjmartin  
Hinan digotin du mehê din  
Hinan digotin sê mehê din

Birînên me xweş dibin  
 Hestîyên firî û goştê qelişîdikelin, hevûdu digirin  
 Erê, erê  
 Rêçên ku tank û topan vedane bedenên me de dimînin  
 Me re dibin bîranîn  
 Dilxwazan ew paqijdikirin, derman dikirin  
 Şunên xweş mayîde pêdigirtin  
 Ew li ser pîyan radikirin  
 Alîkaran digotin; “ hevalno gotina tixtoran bikin  
 Xewn û xwestinên me yek in  
 Bi kêfxweşîyê birînan derman bikin  
 Lezkin, rojek pêştir çermên dirî sax kin  
 Xwezî nav me de rabûna neyartî  
 Kurdan bikanîna sêra hevûdu bikirina bi çavên biratî  
 Xilasbûna firotina ramanan  
 Destên hevûdu bigirtina  
 Li hemû eşîran xweng û biran”  
 Kevok kûr, kûr dinalîyan  
 Bi dengê nalînê re, yek xew de diçûn  
 Îcrana birînan agir bilind dikirin  
 Di xwûdanê de diman, xeyal didîtin  
 Gazî şervanan dikirin  
 “ Hindik ma  
 Em yê çîyan in  
 Birînên me ji xweşbûnê re amade ne  
 Hun û çîya xewnên me dixemilînin  
 Em giredidin rext û şûtikan  
 Em ê vegerin çîyan  
 Me bêrîya we kirîye  
 Herekol, Faraşîn û Avaşîn  
 Berf jî helîya, nêrgiz û lîlozan serî hil da  
 Naha bilindayî hêşin bûne  
 Dem dema qebûl kirina mêvanan e”

Roj borîn  
 Hat gulana nod û şeşan  
 Jîyan şîn dibû li nav kurdistan  
 Soryaz bilind dibûn li bestan  
 Di nexweşxanê de  
 Nav germa Hewlerê de roj nediborîyan  
 Sa'et dibûn sal  
 Min digot hin tengasî li holê radibin îsal  
 Birîndarbûn nav cîyan de mabûn  
 Hêvîya nûçeyan diman  
 Roj bo wan dirêj û giran dibûn  
 Wan dixwestin kevok bûna li serê Avaşînê  
 Bajar hemû hev re dihatin dîtinê  
 Di xewnên xwe de digerîyan li Qoçgirî, Dêrsim û Bagokê  
 Gor wan nebû  
 Nexwaşxana ava kiribûn li deşteke  
 Digotin pêwîst e birînên me zû baş bin  
 Em bikevin nav komên aşîyê, xebatê  
 Xwestina wanê herî mezin ev bû  
 Hev negirtina kurmancan kemasîyek mezinbû  
 Kevneperest û welatfiroşan xwe nas nedikirin  
 Derketibûn ser tankên tirkan  
 Hêla kevokan ve bêrik davêtin  
 Bûbûn sekvanên tirkên serî xwar malbat belav dikirin  
 Şoreşgerên kurdistanî li zinaran xew dikirin  
 Digotin; " Hey... pêşmergeno  
 Mebin neçîrvanê xweng û biran  
 Qey hun nizanin dîroka guran?  
 Turek; tenê parsek, dizî, kuştin û şewitandinê dizanin  
 Pirtûkên dîroka me vekîn  
 Hunê rastîyê bibînin, bizanin"  
 Cîh de, nexweşxanê de sekinandin, bo wan pir zor bû  
 Bihar nediborî, dîsa jî pir germ bû



Xwêdana wan bi paçan ziwa dikirin  
 Nivînan davêtin ber tavê  
 Mabûn hesreta berf û avê  
 Hey gulan  
 Meha dilxweşiyê û evînê  
 Bi tank û topan ketin hewlêrê  
 Bo me dîsa rojek dîrokî ye  
 Nezan bûn rêçwan û neçîrvan  
 Dagirker û dest û piyên wan  
 Berê xwe dan nav kolanan  
 Xwe firoşan nedigotin yê nexweşxanê kî ne?  
 Çima, bo kîjan armancê birîndar bûne?  
 Em başûrî ne ew bakûrî  
 Dema kurmancan re şêx û axa bibin serok  
 Herdem kurdistanê bombe dikin firfirok  
 Heta hemû çin nebin yek  
 Li wî welatî çênabî tiştek  
 Yekî nizane rexne û xwerexne çî ye  
 Wan re welatparêzî û hevalbendî tune  
 Aqilmendên dagirkeran zêde ne  
 Mejîyê xadim û xulaman jî jeng giredane  
 Bo ku kurmanc kurmancan bifikirin  
 Dermanên taybetî pêwîstîna e  
 Pêwîstîya gel ew ê kevok pek bînin  
 Lê her çar alî ve dijmin bûne yek nahêlin  
 Birîndar hevceyî germîya netewa xwe ne  
 Xwîñ xwar û neçîrvan nav kolanan de ne  
 Nexweşxanê de bêna berik û dermanan tevlihev bû  
 Pêlê xwîna birîndaran kirin kêfxweş bûn  
 Pêşmergeno hun ji hevûdu çî dixwazin?  
 Dereng nemînin  
 Ji gel lêborînê bixwazin  
 Bêjnên kevokan kinin

Emrê wan piçûk in  
 Ew bi wan salên xwe daxwazîya tiştên mezin dikin  
 Birînên wan giran bûn  
 Nedikanîyan xwe biparêzin  
 Nedikanîyan derkevin kolanan  
 Pêşîya caşan bidin hêla makaran  
 Kurmancino neyarên xwe rind naskin  
 Kincên kevokan li ser wan qelişandin  
 Dixwestin wan tazîkin, bedenên bê hal paskin  
 Gulîyên porên wan girtin  
 Ew li erdê xişkirin  
 Kevir û daran piştên wan qelişandin  
 Bi kerîbûn û belavbûna bedenên wan  
 Dilê neyaran sar nebûn  
 Wan bo kuştina welatparêzan jî emîr dabûn  
 Li ser kursîyên xwe giran, giran rabûn  
 Şaneşînan de, li rijandina xwînê temaşekar bûn  
 Lîstika ji bo temaşeyê gelek giranbaha bû  
 Yên ku dihatin kuştinê xwedî can bûn  
 Kevokan qîr dikirin  
 “Qîzino rabin ser xwe  
 Ne roja şîn û girîyê ye  
 Gor kesên bê fêhm tazîkirina bedenên me mêranî ye  
 Bo caşan pir pêwîst e navên eşîrên wan  
 Bo me jî, ya hemû hev re xilas bûn ya jî neman  
 Dibêjin başûr yê me ye  
 Bakûrîno berdî jê derkevin  
 Me re ne pêwîst e azadî û raman  
 Bi wan serokatîyan welat vala bû, yê ku kanîn revîyan  
 Ber zilma wan barkirin, dev ji welat berdî  
 Derketin rê çûn, xwestin li cîyên din konên xwe deynin  
 Niştecih bin  
 Yê ku kanîn li wan deran bûn mêvan

Hin nîvê rîyan de, nav tiranpêl û kelekan de xeniqîyan  
Zarokno...me hesreta tiştên ku dikişand  
Wekhêvî, biratî, ji hev heskirin bûn  
Me nedî, em nejîyan  
Armanc ew bû, hun bijîn  
Me yê xwestinên xwe ji we re bikirina dîyarî  
Bi destê neyaran tê xemgirî  
Neyartî bê minetî ye  
Dayîkno li çokên xwe nexin  
Reşan li xwe nekin  
Bibin navçiyê gel  
Caşîtiyê ji holê rakin  
Nav me de alên aştîyê belavkin  
Em birîndarbûn li bajarê hewlêr  
Bo jîyan û xilasbûna me firsend nema  
Gulîyê porên me li destên xwe pêçan  
Mejîyên me belav kirin du tankan de  
Gor edetên me digotin  
“Jin çi ne? Darên şikestîne  
Yê şer bikin mêr in”  
Baş lê binêrin  
Îro neçîrvaniya dagirkeran dikin  
Bi komikî, giştîner in  
Wekî congan erdê bên dikin, dizirin  
Dolarên hêşîn dicûn, dihêrin  
Hatine xesandin  
Xwe wekî cengaweran dihesibînin  
Em dibêjin bo serketinê bo xilasbûnê  
Civan bi hev re rabin  
Tenê bi destekî çênabî xwarin  
Mejîyên zeng girtî helbestên me fêm nakin  
Bo teslîmbûna me dengên xwe bilindikin  
Bi hacetên teknîkî bang dikin

Welat seran ser yê me ye  
 Xwe firoşan re şun nemaye  
 Qîzino, xwestina me ji we ew e;  
 Dadgeha gel ava bikin  
 Şuna me de jîpirsan amadekin  
 Bila nezan hişyarbin  
 Ji yên dora xwe şerm kin  
 Dagirker û kedxwar ronahîyê naxwezin  
 Gel hedî hedî amade dibî  
 Ji gel alîkarîyê bixwazin  
 Nav zilm û zorê de zaroken me ranebin  
 Bi dermanên kuştinê rojên wan xirab nebin  
 Neşewitin, sêwî nemînin  
 Bila bikanin serên xwe bidin ser singên dê û bavan  
 Hesreta germîyê û heskirinê nekişînin  
 Xewnên xweş ji wan re pêk bînin  
 Binyata hev girtin, rêz, ji hevheskirina wan çêkin  
 Durûtîyê ji holê rakin  
 Navên xirab nav gel de bi belavokan belavkin  
 Dîrokê binivîsînin  
 Wêneyê zilm û zordaran çêkin  
 Yên ku dijmin re bibêjin; “ser serê min”  
 Ne merî ne, ne jî egî î  
 Cara yekemîn e  
 Hemû heremên welat de  
 Gel bi hev re helbestên azadbûyîne dixwînin  
 Hin armancan de em gêştin nivî  
 Beş e, bi listikên dijmin dilên hevûdu neyşînin  
 Armancên me bînin cîh  
 Paşê werin ser goristanên me  
 Bi dilên rehet govendan bikişînin  
 Qîzên me yên kew; ereb, faris û tirkan re kirin xedim  
 Hin endamên eşîran dibên hun qîz î, şun ve vegerin

Welat yek e, em sînoran qebûl nakin  
 Îro bo hev mezinkirinê, hev bilindkirinê bang dikin  
 Rokî qîzan rext dan ser singên xwe  
 Caşan zanîn wî welatî de mêranîya beredayî nema  
 Partav avêtin, camêrtîya sexte wê demê neborî  
 Devra simêlên badayî çû.....paşve ma  
 Serokên eşîran bi têr xwarinin  
 Li dor û yarên xwe dewlemendîyê dibarînin  
 Bi hezaran jin serî reş in  
 Ew bi sêwîyên xwe ve malan de tenê mane  
 Embar bê ard, sêl bê agir, teşt bê nan e  
 Qetîne kolanan pars dikin  
 Yên ser kursîyan dolarên hêşîn li hev paydikin  
 Ne dermane, ne xwarin e  
 Belêngaz bin destên beg û axan de mane  
 Bo xilasbûnê kal, bav, bira, lav û mêrên xwe dane  
 Nav kincên reş de, bi hezaran jinebîne  
 Heta ku başûrî bakûrî  
 Rojhelatî rojavayî  
 Gundî û bajarî  
 Karmend û karker  
 Xwendewanî û nexwendewanî hevûdu heskin  
 Bixebitin, domkin”  
 Filan digotin; “ aqilê kurdan, yê ku paşê tê  
 Li me bûna  
 Em ê ji qirkirinê xelasbûna”  
 Heta îro jî gêjbûna me domdike  
 Rewşa kurmancan min dîn dike  
 Neyar rûniştîye bi kêfxweşî sêr dike  
 Birîna dile min hardike  
 Bêxemîya mirovên min?  
 Min ji jîyanê sardike  
 Kurmancên ku bêjin em birakujîyê, xwekujîyê qebûl nakin

Ber çavên xwe re paçên korbûnê  
 Guçikên xwe re kerbûnê, amade dikin  
 Xewa mirinê de ne  
 Xwe berpîrsîyar nabînin  
 Loma ji pîrsgîrêkên netewî dûr dimînin  
 Yên ku li hewlêr hatibûn kuştin  
 Nav wan de xezalek hebû  
 Min ew nav kincên leşkerî de dibû  
 Hêlîn qîza dewlemendekî, ji herema serhedê bû  
 Bi rabûn û rûniştina wê, giranîya xwe zelal dibû  
 Havîna nodûsêyan bû  
 Bin sîya dara mazîyê  
 Dirêj, dirêj me hev re deng kir  
 Ber herxê de yek diboriya  
 Bi dengê şîrîn li wê hêle ve bang kir  
 Got; “ ewa dimeşe jinbira min e  
 Lê li vir, nav artêşê de em rêheval in  
 Artêşê têkilîyên kom û kulfet ji holê rakir  
 Bi rastî bûk bûn û zeîtî hat guherandin  
 Çand û têkilîyên nû ve civat amade kir”  
 Ew hêlîna bazîdê bû  
 Nav wê jîyanê de direjîya porê wê bala min kişandibû  
 Gulîyên reş û du kezî berdabû navê  
 Bi çeka piştê diçû daran û avê  
 Hêliz qeft dikir, dida ber qefsîngê  
 Her sibe radibû pêşîya berbangê  
 Teniştî wê de dimeşîya berçem bi boxçê kerengê  
 Min re behsa jîyana xwe yê berê kir  
 Bûk, bira û du xweng ji hev re rabûbûn  
 Ji merî û mezinên xwe xatir nexwestibûn  
 Ji dê û bavê veşartî ji malê veqetîyabûn  
 Bi xwestin tevî refên artêşê bûbûn  
 Bavê wê li herema wan bi dewlemendîya xwe nav dabû

Dema ku xebera çûyîna bûk û keça xwe girtibû  
 Di cîh de bê deng mabû  
 Qey şape di ser de hatibû  
 Hevoka wî ya herî pêşin ew bû  
 “Qey zarokên min wekî yên xelkê bê nan û bê av bûn?  
 Poşeyên deştan bûn?  
 Çawan ew mal û milk berda bûn  
 Berê xwe li çîyan bûn?  
 Ew ê dewlemendîya min kî bixwe?  
 Celebê ber derfîyê min sed zikî têrdike  
 Ez fêhm nakim  
 Ew çi xwestine, çi tesîr kirine  
 Yên ku şervanan dibîne, her tiştî berdide û tere  
 Ew edet û tore nû derketin  
 Îro topên pir giran li min ketin  
 Îşev ronahîyên odeyan vêneketin  
 Nabî, nabî wer nabî  
 Çito mala min bê bûk û qîz bimîne  
 Xelk bi fitikê digere wê rehetîyê nabîne  
 Hêlîna min ser doşeg û xalîyan rehet nekir  
 Koça xwe bi dizî, bêxeber barkir  
 Ber bayê bakûr, xwe re bi sedan heval peyda kir  
 Mala min zindîtîya xwe wenda kir  
 Wê sibê ve hewayê mirinê singê me tije kir  
 Jinê, mal xirabê, mala min hedimî  
 Ezo mal wêrano, hedurîya min nayê  
 Bermalê, kezîyan kurkê  
 Xeberên mirinê re xwe amadeke  
 Yên xelkê yek, didu terin  
 Mala min tal bûye, bê deng e  
 Îşev ne bûke, ne lawe, ne qîze  
 Ciwata malê belav bûye  
 Axayê te bê kom û kulfete

Ocaxê min xew de çû, xebera kesî tune  
 Şerme, şerme!.. nikarim deng bikim  
 Ez ê herim cem kê, li ku gilî kim  
 Ez ê bi çi sebra xwe bînim  
 Çawa sebir bikim?  
 Yên ku ew agir neketine malê wan  
 Halê min fêm nakin  
 Mêr im şerm e, nikam bigirîm, dengê xwe bilind kim  
 Dilopên xwînê di hundir de berdidim  
 Dilê agir pêketî av didim, sar dikim  
 Ew ê ji vir şun ve, şuna hêlîna min kî nav malê de xwe bake  
 Bavê kezebê şevitî ji niha va bêrîya bejn zirava xwe dike  
 Kêrê li min bidin, xwîna min nayê  
 Îro pêş ve ez ê seba kê karbikim, çibikim malê dinyayê  
 Kewgozela min çû, hêvîya min wendabû  
 Bawêr nakim, venagere, nayê”  
 Dewlemendîya bavê nedihat ber çavên wê  
 Ji Bazîdê kete rê  
 Çîya, çîya welat tev de  
 Ku ji çeman derbas dibû  
 Bi barê piştê gav davêtin giran, giran  
 Bo xelaskirina yên din dest davêt turan  
 Hevalên xwe yên hurik teslîmê zexmîya avê nedikirin  
 Seba parastinê xeniqandinê digirt ber çavan  
 Wan dest û şutikên hevûdu bernedidan  
 Herêm, herêm gerîya, welat naskir  
 Li kampa penaberan mamostatî kir  
 Derbazi hewlêr bû  
 Zû ve bajar nedîtibûn loma şadibû  
 Xebatkarbû, nediskinîya  
 Dima nav xûdanê de, tal nedibû  
 Herdem gor xwe kar pêyda dikir, ji şixul têr nedibû  
 Dest xwe de bû




Rihê şêran wê re bû  
 Li dê û bavê wê re dîyarî mabû  
 Li bajarê hewlêrê berpîrsîyara xebata jinan bû  
 Nav civatek kevneperest de kar bi rehetî pêşve nedîçû  
 Fedekarî û bedel pêwîst bû  
 Loma berîya bajarîyan ji xewê radibû  
 Dest bi karê dikir  
 Tespîtên xwe bi rîya pênivîsê  
 Ji rûpelên spî dajotin  
 Dîtin û xwestinên xwe yek û yek rêz û siwar dikirin  
 Gor pêwîstîya rojê belavok didan belav kirin  
 Wê bi berpîrsîyarîyek giran gav davetin  
 Kujvanan bo êrîşê roj dihêjmartin  
 Rojek meha gulanê, hatî kuştinê  
 Meyîtê wê ma nav tilîyên xwînxwaran de  
 Dema min navê wê rojnamê de xwand  
 Nû ve çavên xwe li pişt çîya û kampa zelê gerand  
 Bîranînan serê min êşand  
 Nan gevrîya min de neçû  
 Baskê minê rastê ji aczê, kederê niv pûçbû  
 Kit, kita dilê min rabû  
 Bîranînen havîna nodûsêyan  
 Li ber çavên min wendanedibûn  
 Heyfa wan ciwanan, bi destên hinan bûn xwelî  
 Pêwîst e wesyetnama wan were şunê  
 Ger ew bûyêr, ew encam bê bersîv bimîn  
 Çavên wan jinxas û mêrxasan vekirî dimîne  
 Wê demê biryarwanê kuştinê bi kêfxweşîyê  
 Bin darê çinarê de xwe dihêjîne, cigara xwe dikişîne  
 Bi çavên sor bûyî, defteran vedikişîne  
 Bo hin kuştinên din kaxizan dinivîsîne  
 Xwe wekî mêrxasekî dibîne  
 Mîrê bêkesan û xwedîyê dinê dihesibîne





# Awaza Serpêhatîyan I

Evin Çiçek



ISBN 975824593-7



9 789758 245932